

# KATACHIKIJILO

¶ . . . kutanga eli Lizu. Ha kusoka kutangisa, ou mulonga Ngwamilwekenga kwimana . . . Omwo vakiko navahema *Vembanga Myaso Walifuchi*, enu imanenu. Enu kamweshi ngochoko? [Chikungulwilo ngwacho, “Eyo.”—Muka.] Kahajino mwomwoika ha Lizu lya Kalunga? Chinapu kalemesa. Jino mu Mukanda wa Kulovoka, kapetulu 12, kuputukila ha vasi 12, Ngwafwila kutanga chihanda cha Chisoneka, vasi 12 na 13.

*Mwomwo haufuku uze Nangukahita mulifuchi lya Ejipitu, nakuveta . . . vatwatwa vamulifuchi lya—lya Ejipitu, vosena navathu na tunyama; kaha . . . nangukazangamisa: Ami yami YEHOVA.*

*Oloze manyinga aze nawakapwa katachikijilo kuli enu ku mazuvo zae muli; kaha omu Nangukamona manyinga, Nangukamizomboka, kuli enu kakweshi kukapwa musongo wakuminongesako, omu Nangukaveta lifuchi lya Ejipitu.*

<sup>2</sup> Mutwe wami wachihande: *Katachikijilo*.

<sup>3</sup> Echa tunongame mitwe yenu jino. Kaha mukuunda Chenyi muli echi kujila chindende, shimbu kanda kupandama kuli Ikiye mu kulomba, kuliko kutonda chize enu mwatondo Kalunga akumbulule mumusana uno? Zundula kaha mavoko enu kachi enu mwatondo, kaha shinganyeka mukachi ka muchima chuma muka ove unatondo Ikiye kulinga. Kwosena muno muzuvo, shinganyeka chumauka ove unatondo Ikiye alinge.

<sup>4</sup> Ove Tata wa Mwilu, Ove wapwa Kalunga wakuzeneka kwalumuka, kaha etu twalombo nge Ove nauya na kukumbulula malombo etu, musana uno, nge—nge shimbu etu tunakwate mavoko etu. Kaha Ove unatachikiza nge mavoko ami ali helu, nawa. Kaha kutonda chami, Nanguya nakulingisa echi kulikungumbuwa, mukiko, Mwata, nge Ove na kuhindula muthu wosena hano lelo, lwila lwosena najimbala. Jino, Ove wambile ngwavo, “Kachi ove mulomba kalachuma Tata, mu Lijina Lyami, Nanguya nakuchilinga.” Jino, Mwata, tukafweko hamwe kufwelela nge kulinunga cha vathu, vana vakufwelela. Hanjika kuhichila mu Lizu Lyove, Mwata. Lizu Lyove linapu Muchano. Kisula michima yetu.

<sup>5</sup> Etu twasakwilila Ove hali echi kuliwana. Etu twakusakwilila Ove hali Ndumbu walunga Grant, kaha hali vakakuzata jenyi vosena, kaha mauka enyi osena na vathu. Kaha mwomwo vyosena Ove unalingi kuli etu, Mwata, etu twasakwila kuli Ove. Tata, kunahase pamo kupwa etu vavavulu hano natukahona kulimona chekako jino, palanga etu natukalimona kusali yikwavo. Eyi yinahase kupwa kutanga chamakumishilo

nge etu natuya nakutwama hamwe muno hamavu. Echa Shipilitu Wajila ezenga na kukisula etu hamwe, nakuzata muli etu hakutonda chetu. Mu Lijina lya Yesu etu twalombo. Amena.

Echa mutwame.

<sup>6</sup> Ngukwechi kamukuta kakandende kamapapilo hano, Ngunasoneka Visoneka vimwe kaha vyuma vyavindende. Chapwilenga Ngunahase kwanuka echi muvishinganyeka vyami oloze Ngunahambakana kaha myaka twende faifi, munatachikiza, nge echi chili, lwola lwamuchila. Kaha jino Kangweshi nakwanukako nge Ngwapwilenga na, kaha vavavulu kuliwanyina mukuliwana na vyuma, kaha vyavivulu vyakulinga.

<sup>7</sup> Mutwe wetu wachihande musana uno uli: *Katachikijilo*. Chuma chetu kusokolokela mu Ejipitu. Echi chinapu chifwanyisa chachinene hano jino, Ngwatondo enu vosena kumona echi kaha kupwa mukalemesa nge munahase. Ejipitu chinapu chihela chavyuma, kaha lwola lwaveyuma kupwa kaha kuze kukuputuka cha kulovoka.

<sup>8</sup> Kaha, jino, chinapu muyachi walelo, kusolwesa, nge etu tuli nawa nakuliwana na kulovoka. Kalunga kuneha Isalele kufuma mu Yijipitu, kulifuchi lya lushiko, apwile chifwanyisa cha Kulishitu kuneha Mwenga kumufumisa muliuka, kutwala Lifuchi lya lushiko. Etu tuli mu kulovoka cheka. Jino kachi ove muya nakutanga echi Chisoneka, etu kupwa kaha na lwola lwakulyata hamapenga ahelu, ou unapu muchano. Etu twapwa... Nge Kalunga nanehe lifuchi kufuma mulifuchi, Kalunga mwaya nakuneha Mwenga kumufumisa muliuka. Ou Mwenga navakamusanyika kufuma kumauka osena. Nalikaya nakupwa lyakusakula kuli Kalunga, navakalovolamo. Kaha etu haze hakulovoka jino, mwomwo etu tuli jino, ha Chisoneka chivene chakwinjikiza nge etu tunemana haze. Jino, Ngunatachikiza nge vachihanjika kapapa kakavulu, oloze, sepa lyami, lwola lumwe nachikaya nakuchihanjika halwola lwamakumishilo. Lwola nalukahita nakwingila mu Hayamyaka. Ikiye ali nakwiza nakumbata Mwenga kumufumisa muliuka.

<sup>9</sup> Aka katachikijilo chapwile chikiko chuma chanehele chihandwa mukachi ka Ejipitu na Isalele, aze mafuchi avali. Vakiko vosena vapwile vathu kaha, oloze vyosena Kalunga atengele, vitengo vya Kalunga, oloze, chihandwa omwo fweto ya kufwa yahichile, chihandwa cha kuyoya na kufwa chapwilenga katachikijilo.

<sup>10</sup> Kaha shikaho nachiya nakupwa kwiza cha Mwana Kalunga, omwo Ikiye kuneha Mwenga kumufumisa muliuka, chihandwa nachiya nakupwa Katachikijilo. Jino, ove ivwulilenu kanawa uno musana, kaha kumona kachi kaweshi muchanoko. Chize Chinjikizo nachiya nakupwa chihandwa. Kwatela kupwa chihandwa.

<sup>11</sup> Kalunga mwaya nakusopesa kaye, likumbi limwe. Kachi Ngwahulile vathu vachi Katolika, "Mwaya Ikiye nakusopesa hiya, chumamuka Ikiye mwakasopesa kaye nacho?" Vapwile navaya nakuhanjika ngwavo, "Eli liuka." Liuka muka? "Eli liuka lyा Katolika." Liuka lyा Katolika muka? Vapwile muli vakiko vavavulu. Va Mesondisiti navahanjika ngwavo, "Ha Mesondisiti," va Mbaputishiti jino kulovokamo. Jino, kachi ove musopesa echи ha liuka lyा Mbaputishiti, vyosena muli vakiko kulovoka. Va Pendekosita ngwavo, "Hali va Pendekosita," jjino vosena muli vakiko kulovoka. Talenu, nachiya nakupwa chimbanganyi, nawa chikuma chimbanganyi, nawa chimbangaynyi muvishinganyeka.

<sup>12</sup> Ooze Kalunga akwechi jila ize Ikiyehanjikile nge Ikiye apwile nakuya nakusopesa mavu, keshi ha liuka lyा Katolika ko, keshi haliuka lyा Vakakulikanga ko. Ooze Ikiye mwakaya nakusopesa kaye hali Yesu Kulishitu, kaha Yesu napu Lizu, shikaho chize nachiza cheka mu Mbimbiliya cheka. Talenu? Ikiye mwaya nakusopesa kaye ha Mbimbiliya. Kaha eyi Mbimbiliya yinapu Mukanda wakusopesa wa Kalunga, ou unapu kusoloka cha Yesu Kulishitu, chize nge kakweshi chumako chakuhakako mokomoko kalachuma chakufumisako kuli Echi; fweto ya kulinga echи, lijina lyove mu Mukanda wa Kuyoya. pwako kaha wakwoloka mu Mukanda, kaha lomba Kalunga kutulingisa kupwa Chize.

<sup>13</sup> Jino etu wana nge, katachikijilo, chuma muka echи katachikijilo? Katachikijilo chinapu chinjikijilo cha fweto yakufweta, katachikijilo kanapu. Kupwa kaha nge mukwakwa wa jaji na mumukana wa mbasi, etu kumbata mali ove na kuya kushiteshinyi. Jino, talenu, muze mumukana na kwitavila, mu vihela vya tutachikijilo veji kuzachisanga, vakiko keshi kwitavila aze mali. Vakiko kaveshi kutambula aze maliko, navatonda katachikijilo; kuhanjika, jindeko, kalamwosena. Ove yako kuchihela chimwe, kuze kwakulava, kaha kulava, kufuma mu mali, shikaho tutachikijilo twatuvulu, kaze katachikijilo. Kaha aka katachikijilo kanapu chinjikijilo cha mali unafwete. Ove uli na lisesa kupwa mumbopolo, kwingila mundeke, kunyina mbasi, mokomoko kalachuma chili, chikalo kaha unalame chinjikizo kusolola nge fweto yove—yove kupwa yakufweta. Jino anuka echи. Kanda kuvulyama echiko.

<sup>14</sup> Isalale kijiha mwana mukoko apwile na...chapwile kutonda cha Kalunga. Yehova atondele mwana mukoko wakuhijiha, mwashishile wakuzeneka mulonga. Nge omu tunahichi mumulungu unahichi jino, nge Kalunga, omwo Ikiye nahanjika kusakula, Ikiye kalumukako. Kaha Ikiye atungile jila, Chumachatete chize Ikiye alingile omwo muthu aholokele, Ikiye atungile jila hali ikiye, kachi Ikiye atondele kumusokola ikiye, kaha Ikiye alingile kusakula nge Ikiye kulwila muthu ha Manyinga a Umwe wakuzeneka mulonga. Kaha Ikiye ali

na hayamyaka kulinga chuma chochimwe. Ikiye kanda lyehi alumuke echi. Kakweshi chihela Kalunga nahase kuliwana mukala mukakulifukula, kuvanga mwishi ya Manyinga. Chikiko kaha chihela chimwe Chenyi.

<sup>15</sup> Etu kweseka kumulingisa Ikiye kuliwana mwishi ya kutanga chetu, mwishi ya chikungulwilo chetu, mwishi ya kwala chakutanga. Vamwe vanatungu tuposhi kaha vamwe vanatungu jimbongi, Mbaviloni na—na kaposhi ka Mbambelo, kaha tuyachi wa tuyachi wa vyuma. Oloze hanga asala, Kalunga ej i kuliwana namukulifula wamuchano mwishi ya Manyinga. Ikiye keshi kwalumukako. Etu katweshi vosena kupwa Mesondisiti, etu katweshi vosena kupwa Vakapendekosita, etu katweshi kuhasa kupwa vosena *echi, chize, mokomoko chikwavo*, etu natuya nakuhona. Oloze omwo Nangwiza kuli muthu, echa ikiye apwenga kapilishitu waku Katolika mokomoko kala mwosena ikiye ali, omwo ikiye ali mwishi ya Manyinga etu tuli vandumbu vamalunga, zakama okwo ali ikiye, kachi nge ali mwishi ya Manyinga.

<sup>16</sup> Jino, Isalale vajihile mwana mukoko apwilenga kutondeka cha Yehova, kaha manyinga apwile katachikijile nge mulimo vanalingika. Kalunga atondele kukusokoka, kufuma mu Yijipitu, kuya kulifuchi lya lushiko, Ikiye atondele kanyama wakujija lyehi. Kaha uze kanyama atela kupwa... Aze manyinga a kanyama wakufwa vatela kuwahaka havipamba na chikolo, kaha chize chemanyine kupwa katachikjilo nge chuma chize Yehova atondele chinazalishiwa. Talenu? Jino, keshi mwana mukoko kapwile katachikijilo, manyinga apwile katachikijilo. Jino, chiyyo yelo chafumine muli uze mulambu, kaha jino manyinga apwile katachikijilo. Vinyulo vyenyi vavitavilile. Awa manyinga kwimana kupwa katachikijilo, chize chinjikizo chize mukakufwelela apwile nacho chapwile vene chuma chize atondele. Chize chapwile chinjikizo. Chosena chakwoloka, kumona mukakufwelela, kulifukula, vachisolwele hamwe na mulambu wenyi. Talenu?

<sup>17</sup> *Hano* hali zuvo, kaha mukakulifukula, chuma muka chatondekele? “Kujiha mwana mukoko. Ha likumbi lya mulikumi nawana hanyima yapwile hakuhaka, na—na wachilunga wakuzeneka lipenga, wosena ka Isalele navakamujija, kaha manyinga navakawambata na usope na kuwahaka havipamba nya lipito.”

<sup>18</sup> Kaha, mujila, nge usope wapwile mwila wakulisala. *Usope* kulumbununa “lufwelelo lwove.” Muthuumwe kweseka kupwa na lufwelelo lwaukalunga, uze ukiko mulonga ove weji kujimbalisanga kuka chove. Lufwelelo lwapwa chuma chakulisala. Ove ukwechi lufwelelo lwa kwiza kuliuka. Ove ukwechi lufwelelo lwa kutambuka kuze. Ove ukwechi lufwelelo lwakuputuka munyawu yove. Ove ukwechi lufwelelo lwakulya kulya chachingoloshi. Ize ikiko jila ya echi, kupwa kaha

chakulisala. Jino kuhaka manyinga, apwile wakuhaka na usope, uze wapwile kaha mwila wamokomoko uze weji kukulanga mwosena muze mu Palachise, kusolola nge lufwelelo luze manyinga atela kuwahaka keshi chuma chimwe chachineneko ove watela kupwa na ndingili ya undotolo mangana uchilinge. Echi chili chakulisala, lufwelelo lwahakumbi hakumbi, kufwela Kalunga. Talenu? “Kuhaka manyinga,” ha lufwelelo, “na usope.”

<sup>19</sup> Jino, mukakulifukula, jino, kumona kwishi ya manyinga, kusolwesa nge ikiye nambate kutondeka cha Yehova, kaha ikiye apwile wakutachikijiwa. Kaze katachikijilo kusolwesa ikiye apwile wakutachikijiha ha kujija mwana mukoko uze Yehova atondele. Mulimo walingikile lyehi. Chuma chakukupuka cha lelo, cha Kulishitu na mukakulishitu. Omwo Katachikijilo kasolokele kuli mukakufwelela, jino Chasolokele nge vanachitavila kaha mulimo unazachiwa.

<sup>20</sup> Kahajino, aze manyinga apwilenga katachikijilo ka kwijivila, aze manyinga avene. Uze kanyama ahichile manyinga, kufwa, kaha manyinga apwile haze hambango. Jino, chiyyoyelo cha kanyama, chize chapwile mu manyinga. Kaha kuyoya chili mumanyinga, etu tunatachikiza chize. Eyi Mbimbiliya yahanjika ngocho, kaha sayasi yenjikiza echii, chiyyoyelo chili mu manyinga. Shikaho omwo uze kanyama apwile wakujiha, kaha kuyoya chapwile chakuhokola kufuma kuli kanyama, aze manyinga atelele kupwa na chize kuchinala cha manyinga, kwimana kupwa katachikijilo. Mwomwo, chiyyoyelo chize chapwilenga muze mu manyinga kawahashile kukinduluka hali mukakufwelela ko, mwomwo chapwile kuyoya cha kanyama.

<sup>21</sup> Kaha chiyyoyelo cha kanyama na kuyoya chamuthu chili vene chakulimalaka. Kakwweshi chiyyoyelo cha kanyama mwosena. Ove tala, mbata manyinga a kanyama na kuhaka muli ove, ove muya nakufwa. Shikaho enu mwamono, etu, echii chili vene—echii chili chiyyoyelo chakuhandunuka mu manyinga a kanyama, mwomwo muthu atwama na mwono. Kanyama katwama na mwonoko.

<sup>22</sup> Kaha jino, shikaho, manyinga avene, evwushisa jino, chize kuchilana, vitumbo vyaa manyinga, atelele kwimana haze ha lipito, kupwa katachikijilo nge mwana mukoko nafu, jino, mwomwo chiyyoyelo cha mwana mukoko nahase kwiza kunyima hali muthu mukakulifukula. Oloze lelo...Echi chikiko kaha muyachi.

<sup>23</sup> Lelo keshi kuchilana cha Manyiko a Mwata Yesu, mwana Muko wetu, oloze echii chili Kuyoya chize chapwilenga mu Manyinga, ou ali Shipilitu Wajila. Echi cheji kukinduluka na kupwa Katachikijilo nge etu natukapwa vakwitavila kaha mukiko vene Kalunga etu Iwekele kulinga. Kaha jino, ha kupwa Katachikijilo, etu vanatusolola hamwe na Mulambu

wetu. Mwakukupuka. Kangweshi nakumona omu kala chuma cheka chahambakana kupwa hatoma. Talenu?

<sup>24</sup> Jila kaha kalamuthu nahase kwambulula nge zuvo yapandama, nawa, mwishi ya manyinga, mwomwo kuchilana cha manyinga chapwilenga ha vikolo. Vakiko kuhita, kufwa cha Kangelo atela kumbata na kumona aze manyinga. Jino, cheka, echu chapwile chifwanyisa cha Shipilitu Wajila.

<sup>25</sup> Jino, talenu, aze Manyinga a Yesu kahashile kwiza hali umwe wetuko, mwomwo Ikiye apwile kaha na Manyinga chikuma mumujimba Wenyi. Kaha ahichile, na kufuma mumujimba Wenyi, kwingila hamavu, mamyaka tu sauzande okwo; oloze kachapwile kupwa Katachikijilo ko. Chize Kuyoya, chize Chiyyoyelo chapwilenga muze mu Manyinga, kapwile Katachikijilo jino. Nanguya nakwinjikiza kuli enu, mumunyutu kaha, ha Mbimbiliya. Kaze kanapu Katachikijilo chize chineza hali etu, kusolola nge etu vanatusoloka hamwe na Mulambu wetu, kaha anambate kutonda cha Yehova.

<sup>26</sup> Petulu ambile ngwenyi, ha Likumbi lya Pendekosita, “Alumuka chakupihilila, muthu himuthu, kaha vamijimike mu Lijina lya Yesu Kulishitu chakuneha kujimbangana shili, kaha enu namutambula wana wa Shipilitu Wajila. Mwomwo lushiko luli kuli enu, na kuli vana venu, kaha kuli vaze vali kwakusuku, veshovo mwasyanyaika Mwata Kalunga ketu kwiza kuli ikiye.” Talenu, keshi kusolola kahako kuli vakiko. “Vavavulu nge Mwata mwaya nakusanyaika.”

<sup>27</sup> Kuli vavavulu veji kushinganyakanga nge vali vakusanyaika. Oloze vosena “vaze Mwata” kusanyaika! “Vaze Ikiye atachikijile, Ikiye avasanyikile; vosena vaze Ikiye asanyikile, Ikiye avavulukilile kwoloka; vosena vaze Ikiye avulukilile kwoloka, Ikiye avatohwesele,” chize chakumishile.

<sup>28</sup> Kaha jino omwo enu namumbata muthu uze mwahona kufwelela nge Shipilitu Wajila ali wa likumbi, talenu chuma vakiko vali nakulinga? Vakiko kukana Katachikijilo chize chinapu chinjikijilo chakupwa wakununga na Mulambu wove. Talenu omwo Ngwatwale? Echi chili chachashi kachi enu namutala hali echu mu—mujila ize Kalunga achisonekele jino. Aze Manyinga atumbachile etu kaha etu twapwile...kusolola chize—chize chinjikizo cha Shipilitu Wajila, echu chinapu Kuyoya.

<sup>29</sup> Jino, chize kuyoya kachahashile kwiza nakukinduluka muli muthu, mwomwo vakiko kawatambukile hamweko, chiyyoyelo cha kanyama kachatwama na mwonoko mulichikiko. Kuyoya chauthu chikwechi mwono. Kanyama katachikizako nge ikiye ali uselesele. Ikiye katachikizako chakwoloka na chakuhenga chika. Ikiye, ikiye wakwoloka... Ikiye ali na—na shipilitu, oloze keshi mwonoko. Jino anuka, jino, ou mwono unapu chisemwa cha shipilitu, mukiko vene.

<sup>30</sup> Jino tala, oloze omwo chize Chiyoyelo cha Mulambu wetu, Yesu Kulishitu, omwo Manyinga Eyi amwangalile... Ikiye apwile Kalunga, kupwa muli Muthu. Jino, Ikiye kwiza nakukinduluka kufuma kupwa Yehova, kulisolola Lyavene kupwa muthu, mangana ambate Lyavene chifwanyisa cha muthu, kutusolola etu na Ikiye. Ikiye apwilenga mwana Mukoko wa Kalunga. Kaha mukachi ka Ikiye, kuze ku Manyinga...

<sup>31</sup> Jino Ngunatachikiza muthuumwe ngwenyi, “Ikiye apwilenga manyinga a Yuleya.” Ove mwivwa Vayuleya kuhanjika ngachize. Ikiye kapwile na manyinga a Yuleya ko, kaha chipwe apwile na manyinga a Vakamafuchi eka. Ikiye apwile na Manyinga a Kalunga. Ikiye apwile chipwe ka Yuleya... Ikiye kapwileko chipwe ka Yuleya mokomoko Vakamafuchi eka na eka. Ikiye apwilenga Kalunga. “Wa—wa—wa mujike mwakemita.”

<sup>32</sup> Jino, Ngunatachikiza enu vathu vavavulu na Vakakulikanga kushinganyeka nge liulu lyapwilenga na Maliya. Kaha aze—aze manyinga aze eji kwizanga, chiyoyelo cheji kwizanga muliundu lya manyinga. Mwomwo, uze kasumbi nahase kumbilila liulu, chakuzeneka kupwa na ndemba, kalyeshi kuhasa kutotekako, mwomwo kalyeshi na wiloko. Kuyoya cheji kwizanga nakuhita mumanyinga, chize cheji kwizanga kufuma kuli lunga. Ooze muli echi chumakana kwapwilenga chakufuma kulilungako, shikaho, “chize chiyoyelo mu manyinga,” chatela kufuma kuli Kalunga ukawenyi, kaha Ikiye atengele kaliundu ka Manyinga muli lize lijimo lya Maliya. Kalunga Lyavene, uze Tengi Ivene, kutenga kaliundu ka Manyinga. Jino tala. Vakiko ngwavo, “Chamwaza, yapwilenga mujimba. Maliya apwilenga na lize liulu.” Nduma, mwane. Ikiye kapwilenga; chakuzeneka liulu. Kachi lyapwile liulu, ove kaweshi kuhasa kumbata mbuto ya lunga chakuzeneka usunda. Kaha kachi Ikiye, ikiye apwilenga na kwivva mumujimba, chuma muka enu muli na Kalunga kulinga?

<sup>33</sup> Ikiye atengele vyosena vivali na liulu na Manyinga. Muze mukiko vene Ikiye apwilenga. “Etu twamukwachile Kalunga,” Mbimbiliya yahanjika ngocho. Chimoteu Watete 3:16, “Chakuzeneka jipami mangana akumutachikiza kalunga anatoho: Kalunga asolokele mumujimba wanyama. Etu amufumishilemo Ikiye na mavoko etu.” Uze mujimba apwile Kalunga. Punduvene, chapwile. Ikiye apwilenga Kalunga kwosena, muchifwanyisa cha muthu.

<sup>34</sup> Jino etu katalisa echi, nge liundu lya Manyinga kuhokoka, lize lyanehele Kalunga. “Kalunga apwile muli Kulishitu, kukindulwisa kaye kuli Ivene.” Kuze, kakweshi umweko nahase kulinga echi, kakweshi kulinga; chambachile Manyinga ajila, Lyavene. Kalunga atelele kwiza na kwiza nakupwa muthu, kuyanda lushimbi Lwenyi Ivene. Kachi Yesu apwile

kapolofweto, muthu wakuhandunuka kufuma kuli Kalunga, kaha Kalunga napu wakuzeneka kwoloka.

<sup>35</sup> Kachi Nanguhasa kuhanjika, “Echa Ndumbu walunga Grant afwile jishili jimwe jize Billy atelele kufwila,” mokomoko chumachimwe cheka, fweto yimwe, ize inahase kupwa ya kuzeneka kwoloka. Kachi Ngwapwile na mwanami walunga kufwila fweto ize Ngunavuluka lyehi, chochimwe kacheshi kuhasako. Kuli kaha chiyulo chimwe Ngunahase kulinga, echi chinapu chihela chenyi, kachi Ngwatondo kulwila ikiye.

<sup>36</sup> Kaha Kalunga ejile na kwiza nakupwa musonyi, mangana ambate chihela cha mukashili; Kalunga asolokele mumusonyi, kakwapwile chekako cha kuhambakana Kalunga Lyavene. Jino, hano Ikiye apwilenga, kusoloka mumusonyi, kumbata nakufumisa jishili ja kaye. Kaha Ikiye alisolwele Lyavene muli etu, nge etu tunahase kupwa vakusoloka muli Ikiye. Talenu punga ya echi?

<sup>37</sup> Jino etu tunawane kasoloka chetu hamwe na Mulambu wetu, chize Kuyoya cha Mulambu muli etu, echi chinapu Shipilitu Wajila. Omwo kaze kaliundi kahokokele, kafumishile Kalunga, kufumisa Kalunga, nge Ikiye apwilenga na vathu vakujilika na Manyinga Eyi Lyavene na kuhaka Kalunga muli muthu cheka. Kalunga muli enu, Kuyoya cha Hayamyaka!

<sup>38</sup> Kaha kala mukashikola ya chi Greek atachikiza nge nge eli lizu, Kuyoya cha Hayamyaka, kwiza nakufuma mu lizu z-o-e, Zoe, kulumbununa “Kalunga Kuyoya Chenyi.” Echi chakwoloka. Jila kaha ove watela kupwa na Kuyoya kaha kuli kaha Kuyoya cha Hayamyaka chimwe, kaha chize Kuyoya cha Kalunga Lyavene muli enu. Talenu? Kahajino enu muli na Kuyoya cha Hayamyaka, mwomwo Ikiye napu kaha Hayamyaka kuze. Kaha etu twapwa tengeso ya vishinganyeka Vyenyi, shimbu kanda kupwenga chikuku cha kaye mokomoko kalachuma. Vyosena evi vinapu kaha kushinganyeka Chenyi, kaha etu tuli nakusolola vishinganyeka Vyenyi nya chuma muka vyapwilenga.

<sup>39</sup> Kaha Ikiye atela kwiza muchiyulo nakumbata shili. Kakweshi weka nahaseko kulinga echi. Kakwapwile numba umweko wakutela kuchilinga. Kakweshi umweko nahase kulinga echi oloze Ikiye, kaha Ikiye achilingile.

<sup>40</sup> Kaha jino, omwo chize chiyoyelo chasolokele mumujimba, Muthu, uze apwilenga Mwana Kalunga (Ngolo jenyi jautengi jatungile zuvo, nge kala kambi, kutunga zuvo ize Ikiye atambukile nakwingila, Lyavene, Kalunga alingile muze.), kaha jino, omwo chiyoyelo chapwile vanachimbate, aze Manyinga, chize kuchilana, kuhiunguna hamavu, kupwa nge *kaha* Avele ahingunukile hamavu, oloze kufuma mu Manyinga kwejile Shipilitu Wajila wa Kalunga, kaha Chize vachitumine kufuma kuli muthu ha Likumbi lya Pendekosita, kupwa wakusoloka

hamwe na Mulambu uze afwile hali vakiko. Kakweshi jila yekako muno mukaye etu tunahase kupwa nacho. Katachikijilo Ka kukunyuka!

<sup>41</sup> Tala, kachi ove wapwile wakutela kufwa, kaha ove unatachikiza ove muya nakuya kuchitwamo chamalaiti, kaha anuka, kukana...

<sup>42</sup> Dallas, ivwulilenu! Kukana Manyinga a Yesu Kulishitu, Katachikijilo ka Manyinga Eyi, kachi ove uli nakumona Echi na Kuchikana, ove muya na kulimona Kusopesa na Manyinga Eyi kumavoko enu. Mukashili, membala wa liuka, anuka echi.

<sup>43</sup> Chumamuka kachi Lee Oswald mwaya nakupwa wakutela, makumbi amandende, kaha kutukuchila kumeso a Supreme Court nge ikiye atela meso; kaha kutachikiza, kufuma ha kijiha Kolokoko ya lifuchi, kakweshi numba koma kamwe ka keke, omu uze atela kwivwa! Echi chatela kupwa muchuma chachikal. Ikiye kaile nakuliwana nachoko, mwomwo mukwavo amwashile. Oloze shinganyekenu kutwama shimbu kanda matoto a Supreme Court, na manyinga mukwenu muthu kulivoko lyove, Kolokoko ya lifuchi lya United States! Chize nachiya na nakupwa chuma chakuunda, kuli vathu vaze vali nakihita na Manyinga a Yesu Kulishitu, omwo ove muya nakwimana kuzango yakusopela ya Kalunga. Kutukuchila omwo naukejiva. Oswald kachi alingile mwamunene kuhambakana kufuma muli chino chiyoyelo hali ikiye, oloze Kalunga mwakakuhandnununa Hayamyaka kufuma ku Meso Eyi. Nanchiya nakupwa chuma chakukomwesa. Talisenu.

<sup>44</sup> Kachi ove mwiza kuzango yakusopela, hakupwa wakukunyuka, ove muya nakutonda chambamilonga wamwaza ove unahase kuwana. Kalamuthu nahase kuchilinga.

<sup>45</sup> Kaha kala muthu uze nasemuka mu kaye, Kangwalizakamina omu chawaha kupwa na hembo ikiye kulovokamo, ikiye apwile namulonga wa Manyinga a Yesu Kulishitu palanga ikiye etavilile kukonekela. Kaha jila yimwe kaha ove unatachikiza kukonekela kanawa, omwo Katachikijilo kuhaka Kavene hali enu, kaha ove uli na Katachikijilo.

<sup>46</sup> Talisenu, ove unapu namulonga, kaha ove muya nakuhanga chambamilonga uze ove muyako nakulambilila ha mulonga wove. Kaha kachi Nanguya ku Kusopesa cha Kalunga, Kangwatondele kapilishitu ko, Kangwazangile muthu weka; Ngwatondo chambamilonga wambwende Ngunahase kuwana nakulambilila mulonga wami.

<sup>47</sup> Echa nguhanjike kuli echi, kuli enu, masepa jami Vakakulishitu. Chambamilonga wetu napu cheka mukakusopesa, kaha mukakusopesa wetu—wetu kwiza na mupwa chambamilonga. Ou mulonga wakumu omwo etu natutambula mulonga Wenyi. Uze mukakusopesa Lyavene kwiza nakushikumuka na kwiza nakupwa chambamilonga,

kaha chambamilonga na mukakusopesa kupwa Muthu youmwe. Kalunga ejile nakupwa muthu, nge Ikiye atela kupwa muthu ha kufwa Chenyi Ivene nge omu Ikiye achihakile hali ikiye. Haleluya! Echi kulumbununa, “Kwalisa chipwe kuli Kalunga!” Ikiye atela kwalisa chosena. Mukakusopesa wetu na chambamilonga wetu napu Muthu youmwe.

<sup>48</sup> Ou Shipilitu Wajila napu Katachikijilo nge etu vanatukonekela. Uze mulonga vanausoko. Kuli kala muthu na pwevo uze mwamuchano vanatambula lujimiko lwa Shipilitu Wajila, ikiye vanamweseka, ikiye ali wakusolokela hamwe na chambamilonga wenyi, na mukakusopesa wenyi, na mulambu, kaha Katachikijilo ikiye kukwata muluheto kusolola nge mushipili vaufwetela palanga na Kuupahu. Amena. Echi chili kwosena. Ikiye akwachilila kaze Katachikijilo. Echi chinapu chenyi, elu lujimiko lwa Shipilitu Wajila, ou unapu chinjiho cha kusanguka cha Yesu. Amena. Enu mwafwelela echi? [Chikungulwilo ngwacho, “Amena.”—Muka.] Chize chinapu katachikijilo, ove uli nakukwachilila Katachikijilo.

<sup>49</sup> Jino kachi ove kaweshi na kaze Katachikijilo, ove maya keshi nakwiza nakwingila. Ove watela kupwa na Katachikijilo. Ize ikiko tando yatondewa, “Omwo Ngwamwene manyinga, manyinga anapu katachikijilo. Omwo Ngwamwene manyinga, Nanguya nakuhita hali enu.” Ove watela kupwa na Katachikijilo. Kachi ove kaweshi, mwomwoika, ove kaweshi kuya. Ove watela kupwa na Katachikijilo.

<sup>50</sup> Kachi katachikijilo apwile nakusolola, katachikijilo kapwile kusolola kwiza kuze, numba chivwasano kachapwile nakuhasako. Enu ngwenu, “Chamwaza, jino, Ndumbu walunga Branham, jino vandamina munyutu kaha.” Echi chili vene chakwoloka.

<sup>51</sup> Chize chinjikizo chapwilenga cha kwoloka. Mwomwo Isalale apwile na chivwasano chakupwa chakwingila kumukanda, kaha kala ka Yuleya kuya na kusolola kala muthu, “Ngunahase kwinjikiza kuli enu nge Ngwapwa wakwalama, Ngwapwa ka Yuleya, Ngwapwa wakwalama kutesekesa na kuhanjika cha Yehova,” oloze chize kachamufumishile ikiyeko kachi katachikijilo kakapwile kuzeko. Ikiye atela kusolola katachikijilo. Munahase kupwa nacho? [Chikungulwilo ngwacho, “Amena.”—Muka.] Ikiye... Chize chinjikizo chatela kupwako kuze, mwosena omwo. Kaha kachi ove uli mu chivwasano... Kachi kala ka Yuleya mwahasa kuhanjika, “Kangweshi na kuhaka manyinga ha chikolo chamiko, Ngunahase kwinjikiza nge Nguka Yuleya wamuchivwasano,” uze Kangelo wakufwa apwile nenyi. Chipwethuhu apwile ngachilihi, membala waliuka muka ikiye apwilenga, omwo chamulikumi ikiye afwetele, omwo ikiye ahanjikile ikiye afwelelele Yehova; Yehova atondele kaze katachikijilo.

<sup>52</sup> Kaha Ikiye eji kuchilinga lelo, nawa. Echi chatela kupwa. Echi chatela kupwa, “Mwomwo kakweshi jila ikwavoko mwishi ya Mwilu, keshi lijina likwavoko vanahane, jila kala,” chipwe chamwaza ngachilihi, ngachilihi wangana. Kaze Katachikizo chatela kupwako, kaha kusolokela.

<sup>53</sup> “Awa manyinga,” ove ngwove, “chamwaza, Ngwajihile mwana mukoko na Kuhaka mumulondo. Ngunachihake kunyima hano.” Muze keshi mukiko Ikiye ahanjikile. Chatela kupwa ha chipamba kaha nahachihela cha chikolo. Chatela kupwa chakusoloka.

<sup>54</sup> Kaha chiyyoyelo chove chatela kusoloka Katachikijile muli enu. Mamalelo, enu va Pendekosita, chuma muka chinahenge na enu? Jikambu jakuteula, kumeso akukwita ulombo, malunga, usese na vyuma, kuze kuli kusoloka cha Manyinga a Mwata wami Yesu Kulishitu kanapu Katachikijilo cha Shipilitu Wajila? Ove, hakupwa na kufwana cha kufwana kalunga, kaha kusanyika “muloji” na vyuma vyosena nawa, milimo ya Kalunga, “muloji.” Omu namuya na kusolola katachikijilo?

<sup>55</sup> Vakiko kuhanjika, “Ngunapu ka Pende- . . .” Kangwalizakaminako chuma muka ove wapwa. “Ngunapu ka Mbaputishiti. Yami Koloko- . . .” Kangwalizaminako omwo wapwa. Kaze Katachikijilo katela kupwako kuze. Kalunga atonda Echi, kaha kakweshi chuma chekako shina chize.

<sup>56</sup> Ove ngwove, “Chamwaza, Ngukwechi vandotolo.” Kangwalizaminako ma ndingili angahi ukwechi. Kalunga atonda Katachikijilo, kaha Kaze kaha. Chize chikiko chinjikijilo mujila yove mwakufwetela. Ikiye katelanga kuya nakufumisa ulema woveko mokomoko chumachimwe. Ikiye atela kupwa na kaze Katachikijilo.

<sup>57</sup> Uze mukakwendesa mbasi ngwenyi, “Hano, vandamina munyutu kaha, kaze keshi katachikijiloko.”

<sup>58</sup> Uze mukakwendesa ndeke ngwenyi, “Chamwaza, ove walovokele jino.” Ize tiketi kupwa katachikijilo. Ove yako kuze na kumulweka mukakutambukisa ndeke, “Hano, Ngwatondo kuya mundeke kove. Nachipwa ngachilihi?”

“Yako nakwingila na kutambula katachikijilo.”

“Mamalelo, Nangukufweta ove.”

<sup>59</sup> “Kangweshi kuhasa kumbata echiko. Ove kaweshi kupwa mu ndeke yami palanga ove myua nakufweta ndando na kutambula katachikijilo. Ngulinakutala ha katachikijilo.”

Enu ngwenu, “Chamwaza, Ngwayile kushikola. Ngwalingile echi. Ngwa . . .”

<sup>60</sup> Kangwalizaminako chuma muka unalingi, watela kupwa Katachikijilo mokomoko ove kawatela kutwalilahoko. Amena na amena. Kaweshi kuhasa kumona echi? Kalunga atonda kaze

Katachikijilo. "Omwo Nangumona manyinga, kaha Nanguhita hali enu omwo Nangukamona katachikizo."

<sup>61</sup> Chize chapwile chakusoloka, chivwasano chapwile nakupwamo nakuzachiwa. Uze ka Yuleya kuhasa chivene kuhanjika na kwinjikiza lyavene nakupwa—nakupwa ka Yuleya wakwalama, ikiye vahashile kumbata vandumbwetu na kuhanjika, "Tala hano, Ngwapwa wakwalama." Chize kachalumbununa chuma chimwe.

<sup>62</sup> Ove ngwove, "Yami nguli muka Mesondisiti. Yami nguli muka Mbaputishiti. Yami ngumuka Pendekosita. Yami *echi*. Yami *chize*." Chize kachatela kulumbununa chuma chimwe.

<sup>63</sup> Ove watela kupwa na Katachikijilo. Kaha omwo Katachikijilo nakakeza, Echi cheji kwambulula Kulishitu. Ikiye ambile Echi nachiya nakupwa. Kaha Kulishitu napu Lizu. Kaha omu ove unahase kukana nge Mbimbiliya yapwa ya muchano, chihanda cha Echi, kaha hanga kuhanjika kupwa Katachikijilo, omwo Katachikijilo kanapu unjiko wa Yesu Kulishitu? Talenu, kuli chuma muka Ngweji kulikomokela.

<sup>64</sup> "Mamalelo," kuhanjika, "Kangwafwelela, Ngwafwelela makumbi avikomwesa..." Mamalelo, tala, kakweshi Katachikijilo kuzeko. Kaze Katachikijilo kaze Lizu lyosena na "amen," vyuma vyosena, mwomwo ali Kalunga Livene. Talenu? Chosena chakwoloka.

<sup>65</sup> Oloze kachi katachikijilo kakapwile hazeko, chivwasano kachapwile hazeko nakuzachiwa. Chize chapwile chakukuma. Mwomumwe jino! Chipwethuhu omu—omu mwosena nauhanjika, omu ove muhanjika, "Ngwafwelela kala Lizu lyosena mu Mbimbiliya," kuhanjika, "Ndumbu walunga Branham, Ngu—Ngunahase kutanga chimbwa cha Mbimbiliya, Mbimbiliya yosena, ha muchima. Ngwafwelela chuma chosena Chacho." Echi chamwaza. Satana eji kulinganga, nawa. Hu-huu. Echi cheji kumbata Katachikijilo!

<sup>66</sup> "Chamwaza, Ndumbu walunga Branham, Ngukwechi mbango yami yakuzala na ndingili. Ngwapwa na Bachelor of Art, kaha Ngukwechi ndingili yaundotolo, kaha na LLD. yachi Latin. Kaha, mamalelo, Ngunasoneka mikanda. Ngunalungi echi. Ngwalingile vyosena. Ngwa—Ngunalungi vyuma vyosena." Kangwalizakaminako. Chize chosena chakwoloka, oloze ove ukwechi Katachikijilo. Kaze Katachikijilo, hanga Katachikijilo kali nakutondeka!

<sup>67</sup> Ove kuhanjika, "Ngwapwa mukakutanga Mbimbiliya. Ngwapwa na—Ngwapwa muthu wamwaza. Yami *ngana*, *chize*." Chize chinahase kupwa chamwaza, muze mukiko chapwa chosena chamwaza, oloze hanga chili nakupwa na Katachikijilo!

<sup>68</sup> Jino, kufwa chapwile hakamwihi nakuveta mu Ejipitu kala lwola, kaha shikaho kufwa chapwile chakulizanga kuveta lifuchi jino ha kala lwola.

<sup>69</sup> Anna Jeanne, Nguli nakwivwa chumachimwe nge iso, ahanjikile lwola lumwe. Ngunapu lwola nge ngachize. Ikiye ambile ngwenyi, “Ove unatachikiza, eli lifuchi, na jishili jojmwe, kachi Kalunga mwecha America kwitavila chuma ikiye ali nakulinga, Ikiye mwaya nakupwa wakukashiwa kusangula Satome na Ngomola na kulikonekela kuli vakiko, ha kuvocha.” Kaha chize chakwoloka.

<sup>70</sup> Anuka, Isalele awfetele shili yosena ikiye alingile, kaha shikaho mukiko etu natuya. Omu tuli nakukasunuka hakupwa na echi? Kukashiwa lukepwe! Kinduluka kuli Kalunga, liuka! Keshi kuhanjika vyuma kana vyatela kupwa wahuhandunuka. Ngulinakumilweka nge kuli kuhuhumuna. Enu mwafwelela!

<sup>71</sup> Kufwa chapwile chakulizanga kuveta. Kalunga alwekesa vakiko likoji Lyenyi na keke Yenyi, kuhichila mu ngolo na vinjikizo na vikomwesa (shikaho mukiko Ikiye lelo shimbu kanda kumbata Liuka kuweluka), hanga vakiko vanazange kuhona kupihilila na kufwelela mujimbu.

<sup>72</sup> Talenu, kuze kwawpilenga mujimbu shimbu kanda kuhanjika kufuma liuka. Kuze lwola lwozena lwatela kupwa. Mwomwoika jino. Kala shipilitu kusoloka cha mushipilitu chili chinjikizo kufuma kuli Kalunga. Enu mwafwelela echi? [Chikungulwilo ngwacho, “Amena.”—Muka.] Nge Mujimbu, kuli chinjikizo kaha jino Mujimbu kukavangiza chinjikizo. Kalunga amulwekele Mose, ngwenyi, “Kachi vakiko kaveshi kukafwelela lizu lya chinjikizo chatete, pamo vakiko nava fwelela lizu lya chinjikizo chamuchivali.”

<sup>73</sup> Jino, omwo enu namumona vinjikizo kuya lika, kaha na mujimbu kunyima yacho, kupwa chochimwe mushikola yamwaka yakutanga na kushikumuka, chize kachafumine kuli Kalunga. Oloze kuze kuli chinjikizo kusolola, Mujimbu kukavangiza. Jino tala. Yesu ejile nakusoloka...

<sup>74</sup> Yami Nguli na kuzungumuka? Mokomoko hiya hali chihungo hano, vivumo nge echi chili nakwiza nakukinduluka. Pamo chili kuvuma chindende. Ngwatondo enu mupwenga nachechi.

<sup>75</sup> Omwo Yesu ejile nakusoloka, Ikiye kahanjikile chikuma kuli vathu, kalamuthu atondele Ikiye muliuka lyenyi. “Mamalelo, ou mukweze walunga Kapolofweto, etu twawahilila kupwa na Ikiye.” Ikiye apwile kuka vakakuwiza. “Mamalelo, upahu kuli Kalunga. Kalunga nakatula Lunga wamunene mukachi ketu.” Chize chapwile chamwaza. Shikaho likumbi limwe kwiza haseteko kuze... Chize chapwile chinjikizo Chenyi.

<sup>76</sup> Isaya 35 ngwenyi nachiya nakupwa chinjikizo. “Chitonji mwakatumtuka nge kapaji,” kaha na vyangocho, “uze kapuputa nahase kumona.” Echi chapwile chinjikizo.

<sup>77</sup> Ikiye kusolokela chinjikizo Chenyi kupwa Meshiya, na vyangocho. Kaha vakiko, vavavulu muli vakiko, ngwavo, “Eyo, Nanguya hali chize.” Chamwaza, jino, kachi chize chapwile chinjikizo, kwatela kupwa lizu lya chinjikizo. Chuma muka lizu kunyima ya ech? Omwo Ikiye hakuputuka kutangisa kunangula Chenyi kaha kuvasanyika lizavu lya manoka mu mwila. Ikiye kapwile na puho kufuma haze, talenu, omwo lizu lyejile na chinjikizo. Chize chinjikizo chaputukile chatete.

<sup>78</sup> Mose ayile ku Ejipitu na chinjikizo. Kaha ikiye ambilile mukombo wenyi, walumukile kupwa linoka. Chize chapwile chinjikizo. Oloze hanyima chindende, lizu lyejile na chinjikizo. Kahajino chapwilenga chakuhandunuka. Talenu, vakiko kavazangile chizeko. Eli—lize lizu, vatela kupwa, na chinjikizo. Kaha halwola luze lukwavo chinahase kupwa na kwiza oloze mulwola, mwomwo chapwile lwola ha Chisoneka kupwa chakuzalishiwa. Tala chuma Ikiye amulwekele, muze muchiputa chakuwema, “Ngunamono kulyonyinga kaha ngunewwu vathu Jami, kaha kumona kuyanda chavo kuli va kakakuzachisa vamu Ejipitu, kaha Nguli nakwanuka lushiko Lwami nge Ngunaliningisa Apalahama.” Hamyaka fwo handulendi yahichile, kaha Ikiye amulwekele Apalahama navashikumuka kuze. Talenu, kakweshi lwola lukwavoko lunahase kupwa. Mose atelete kwiza kaha halwola luze.

<sup>79</sup> Kalunga koloko yenyi kuzata mwakukupuka. Kayeshi kupwa cchipwe munyutu umweko washiwashu mokomoko munyutu yimwe kunyima. Kayikaya kaha nakupwa vene ha lwola kaha. Chamwaza, shikaho, mwamono, vyuma vyosena kupwa hamwe mwakwoloka, kuhasa kwiza halwola lukwavo.

<sup>80</sup> Chipwe vyuma kana kwiza ha lwola lukwavo. Echi chinahase kwiza na mumakumbi a Luther. Echi kachi chejile mumakumbi a Wesley. Makumbi a Mbaputishiti mokomoko va Mesondisiti, mumakumbi avo, kaveshi kuhasa kwiza ko. Echi chatela kwiza kuno. Isalele yatelele kupwa lifuchi. Mauka atelete kupwa nge vakiko jino. Kuze kwatelele kupwa mujimbu wachitatu, liuka lya chisemunuino chamuchitatu. Kuze kwatelele kupwa Lauchiseya. Kachahashile kutunga palanga Pendekosita kwiza na kusoloka, kaha kuya na kuliswasana, kaha kulinga chuma vakiko valingile. Jino chatelele kwiza, jino kwiza cha Mwata, omwo vakiko vamuhakile Ikiye kuweluka wa liuka. Ikiye napu eli Lizu.

<sup>81</sup> Vakiko vapwile na woma wa Lizu kwosena. Vakiko vaholele hali Chize, olozenyi vakiko kukana hali chize.

<sup>82</sup> Chicago, hano keshi kunyima chikumako, omwo Mwata anguhanyine chimweno. Ngwapwile na vakakuzata seli handulendi kuze. Ngwambile ngwami, “Jino Ngunatachikiza chuma muka ove...” hali mbuto ya linoka, na vyangocho, Ngwambile ngwami, “umwe wayenu ambate Mbimbiliya

na kwiza na kwimana kusali yami na kwinjikiza.” Lizavu lyakuhola ove wewvile lyehi. Ngwambile ngwami, “Jino fumisa echi hanyima yami.” Talenu, chafumine mu shikola yavo ya kushinganyeka.

<sup>83</sup> Ohonyi, vakiko ngwavo, “Ndumbu walunga Branham apwa kapolofweto omwo ikiye ali wakuwavisa, oloze omwo kuwavisa nachifumu hali ikiye, mamalelo, Ngunahono kutachikiza.” Chuma nge... Kachi echi kacheshi kusoneka na—na—na—na kulinangula chauthu kulifutula! Vaze vene...

<sup>84</sup> Eli lizu lya *kapolo fweto* kulumbununa “uze mukakusolola Lizu lya Ukalunga.” Eli Lizu lya Mwata lyejile kuli tupolofweto. Omu mukiko Yesu apwilenga nakulisolola. Kaha vakiko ngwavo hanyima ya kusanguka, vakiko ngwavo, “Etu tunatachikiza Ikiye apwilenga kapolo fweto ka Kalunga,” talenu, “kakweshi muthu nhase kulinga vyuma kana kuvangila Kalunga apwenga na ikiye,” kahajino kaweshi kwitavila mujimbu Wenyi ko. Vakiko kawahashile kwitavila Yowano, kaha ikiye apwilenga kapolo fweto. Kwitavila Elija, naumwe pimbì mwahasa vosena wauchi, kaha vakiko vapwile na kusoloka cha Ukalunga.

<sup>85</sup> Eli lizu, mu Ingilishi lizu, *kapolo fweto*, mazu amu Ingilishi anahase kulumbununa kala chuma, chalumbununa “mukakunangula.” Oloze omwo ove muhanjika *kapolo fweto*, wa mumu Mbimbiliya, kulumbununa “mukakumona.” Kaha ulemu wapwilenga, chize, chumauka ikiye ahanjikile kusoloka, kaha chize chapwile chinjikizo nge ikiye kapolo fweto; ikiye nawa chize chapwile chinjikizo nge ikiye apwile na kusoloka cha Ukalunga cha Lizu lya kusoneka. Kaha jino Kalunga ejikijile echi, kunyima yenyi, kwinjikiza echi.

<sup>86</sup> Ngachilihi? Chamwaza, chatela kupwa mujila kana, mukio kaha. Kamweshi jilako mwakujingulukila. Kalunga ambile ngwenyi nachiya nakupwa mujila kana, kaha yenu haze. Oloze kuli lelo, talenu, chize Chinjikizo chatela kupwako kuze, echi chinasolola eli Lizu na kuchilingisa kupwa muchano. Jino omu Ikiye amushikile, omu Ikiye amuwahishile vyosena lushiko Lwenyi kuli vathu, jino, omwo Ikiye apwile nakuya nakupwa na kulovoka, chize chapwile chifwanyisa.

<sup>87</sup> Jino Nguli nakuya nakweseke kulovokamo mufifiteni yikwavo, twende minyutu, na Mujimbu. Talisenu kanawa jino, Ngwatondo kumbata echi, mwomwo Kangweshi kuhasa kumona enu chekako, talisenu.

Talisenu, jino tala omwo Ikiye alongesele vathu Jenyi.

<sup>88</sup> Vangahi vatachikiza nge Ikiye kanda lyehi alumuke jjila Jenyi? Ikiye kalinga ngochoko. [Chikungulwilo ngwacho, “Amena.”—Muka.] Ikiye... jino tala kuhichila mu Mbimbiliya na kutala kachi Ikiye alumukile. Nduma, mwane.

<sup>89</sup> Awahishile ngachilihi Ikiye vathu? Chatete, Ikiye atumine kapolo fweto na chinjikizo, uze apwilenga Mose. Echi cha

kwoloka? [Chikungulwilo ngwacho, “Amena.”—Muka.] Kaha chinjikizo chapwile na mujimbu, mujimbu wa “kulizanga,” vakiko vapwile nakuya nakulovoka mulifuchi lize lyapwile lushiko. Kahajino Ikiye apwilenga na katachikijilo, ka kapolofweto, chize Kumunyika chapwile helu lya ikiye. Ize Panda ya mulangi ya Kakahya yakavangijilenga kapolofweto, etu tunatachikiza ngachize, kuya nakuhita mupambo na Mose. Etu tunatachikiza ngachize. Kaha jino Ikiye ávahanyine katachikijilo kupwa cha kukunyuka nge vakiko kavatela kupwa na womako, vosena kupihilila; kuze Ikiye ambile ngwenyi, “Omwo Nangukamona katachikijilo, Nanguya nakutumbuka hali enu.”

<sup>90</sup> Tala omwo Ikiye alingile jino. Ikiye alongesele chinjikizo chatete, mluwa, kusoloka mujimbu, katachikijilo ka mluwa, kaha katachikijilo ka kukunyukisa nge jila yapwile yakufweta. Vakiko valimbilile lize lifuchi lya lushiko.

<sup>91</sup> Chuma chochimwe Ikiye nalingi lelo! Chuma muka Ikiye alingile? Ikiye atutumine etu Shipilitu Wajila. Ou Shipilitu Wajila napu Muluwa, kaha katachikijilo ka Chisoneka cha Lyavene kulisolola Ikiye mukachi ketu, youmwe zau, lelo, nahaya myaka. Kaha Katachikijilo kanapu kukunyuka. Chumamuka twalizakamina? Ndando yetu vayifweta lyehi kaha etu vanatwijivila na Mulambu wetu. Ikiye keshi kuhasa kukana. Ikiye ashikile chize. Etu kutusolola.

<sup>92</sup> Isalele kwiza nakulovoka mu Yijipitu, nge omu Ngwambile ngwami, ali nge—nge Mwenga kwiza nakulovoka muliuka. Omwo Mose aputukile mulimo, Isalele vosena kukunguluka hamwe mu Goshen, ha kulombela na kulifukula, chivene, kwiza nakufuma muvihanda vya Ejipitu. Ize ikiko jila ya Mwenga mwaya nakulinga, nayiya nakwiza nakulovoka vosena va Oneness, Twoness, Thresness, kaha kala muyachi. Echi nachiya nakulovoka. Echi chatela kupwa. Jino etu twatange hano mu Hepelew...Etu jino, chuma chatete etu twatela kushinganyeka, kwiza nakufuma muvihanda vyosena, “Kwiza nakufuma mukachi kakuzeneka kufwelela.” Jino ou Shipilitu Wajila ashikile kusanyika chize mumakumbi akumakumishilo, “Lovokenumo kufuma muli vakakuzeneka kufwelela.” Tachikizenu.

<sup>93</sup> Etu tunawane mu Hepelew 10:26, Ngwasonekele hano, echi yahanjika echi, “Kachi etu natuvulumuna chakulisakwila hanyima etu twatambula chinyingi cha Muchano, kakweshi cheka mulambu wahashili,” talenu, kachi ove kaweshi kufwelela chakulisakwilako.

<sup>94</sup> Jino kachi enu namatalisa, chumamuka Ngunahase kuhanjika hano, kachi ove myua nakunguseza katando chindende palanga Ngulumbunune navinjikizo. Ngunahase

kwivwa mu Shipilitu, keshi kuhasa kuya kuzeko. Talenu? Tachikizenu.

<sup>95</sup> Hano mu Hepelewu, vakiko vali mujila yakuya. Kalunga asakwile malunga likumi navavalni, mokomoko Mose kulinga, ha livoko lya Kalunga, kuya nakuhita na kusondwesa kulovoka mulifuchi; kaha kwiza nakukinduluka, kuneha katachikijilo ka lifuchi. Kaha omwo vakiko vahetele kuze, likumi lyavo kupwa na woma wakufawa. "Mwomwoika," vakiko vambilie ngwavo, "vaze va Amalake kuze, etu kulitala nge vambimba kuli vakiko." Yoshiwa na Kaleve kwiza hanyima, nakuneha chinjikizo, "Etu tunahase kuchilinga!"

<sup>96</sup> Ove wamono, vaze vakiko vakakufwelela vahamusetu. Vakiko kwiza nakuhita muvilinga vyakuhandunuka, kaha kuhita muliuka, kaha kulinunga na liuka, kaha malujimiko na vyuma. Oloze omwo chejile nakwoloka nakuhita haze kaze Katachikijilo, chize chinjikizo cha Lifuchi kuze, chize Chiyoyelo... Yesu Kulishitu kafwako. Echi chinapu kujindama chikwavo. Ikiye ayoya muli echii. Ikiye ali nayetu, Ikiye ali jino muli etu. Omwo chejile kuli chize, "ha," vakiko kavafwelele chizeko. Chize chapwile chikuma, mwamono. Kaha vakiko vakindulukile, kaha vakiko, vosena, vafwile mupambo, keshi umwe wavo ayile. Kaha, talenu, kachi etu natuzeneka kufwelela, etu va Mesondisiti, Mbaputishiti, Pulishiteliyani!

<sup>97</sup> Ngwafwelela mulongeshi wamwaka natwame hano lelo. Ndotolo Roy E. Davis, enu vavavulu mwamutachikiza, wahano vene mu Fort Worth, ikiye pamo natwame muno. Ngumanuka etu twashimwitwile hali evi vyuma, myaka yayivulu, yayivulu okwo. Ikiye angujimikile mu lufwelelo, lwa Missionary Baptist church.

<sup>98</sup> Kaha talenu, muno, jino, kachi etu...kachi—kachi etu natwiza nakuli ize ngiza ya lifuchi, kuhanjika, "Chamwaza jino, upahu kuli Kalunga, Ngwahanjikile mumalimi, haleluya!" Echi kacheshi ngochoko. Kachi enu namuhanjika, kuzeneka kufwelela kala Lizu, kuli chumachimwe chakuhenga na kujina chove. Talenu?

<sup>99</sup> Enu twayenu kuno ku Lifuchi na kumona nge kuchili kuze. Mwamono nge Yesu nasanguka. Ikiye ali mukachi ketu. Enu mwevwa lyehi Lizu lize lili nakukavangiza mujimbu, kaha hanga kamute Kulifwelela, munatachikiza chumamuka nachisoloka? Kahajino vakiko vafwile muze vene mupambo. "Kachi etu natuvulumuna chakulisakwila hanyima etu twatambula chinyingi cha Muchano, kakwechi cheka chimuna wakuvatula ha shiliko." Muze mukiko mu Mukanda wa Hepelewu atulweka etu.

<sup>100</sup> Kaha jino tala, nge etu kumona vinjikizo vyavinene hano hamavu, nge Ikiye ashikile, omu chikuma kuhuhumuna etu nge lwola lunahete. Echa kufwelela cha kuzeneka kufwelela.

Twaya hamwe. Etu twatela kuzanga umwe na kufwelela, na kulihandununa etu vavene kufuma kukaye.

<sup>101</sup> Talisenu, vakiko kavapwile kwiza hamwe kahako na kuhanjika hali ou mujimbu. Vakiko vapwile nakwingilamo, pwako mwishi manyinga. Kanda kwiza nakuhanjika, “Munatachikiza, Mose atulwekele, muluwa, ikiye ambile ngwenyi, ikiye atulwekele nge twatela kupwa na manyinga. Ove mushinganyeka ngachilihi hali echi, vanyike vamalunga?” Chize keshi mukikoko. Mbata mukoko wakujiba, kaha mbata manyinga muze!

<sup>102</sup> Etu tunahase kwiza na kutwama na kwitavila na Lizu, na vyuma vyosena nawa, oloze kanda kupwa na Katachikijilo, kuwaha muka chalingikile kuli etu? Kuwaha chauchi. Pwako mwishi ya Echi. Ikiye apwile wakwimanyina kalamuthu kufuma mwishi ya manyinga. Kaha Ikiye keshi wakwimanyinako kuli kala muthu ko, lelo, kufuma mu Katachikijilo.

<sup>103</sup> Chisaka chosena, chakukingwa omwo vakiko vapwilenga mwishi ya katachikijilo, kaha katachikijilo kapwile kakusoloka. Chisaka chosena! Enu mwafwelela echi? [Chikungulwilo ngwacho, “Amena.”—Muka.] Lelo etu twatela kwanuka chize, vathu. Vana vetu!

<sup>104</sup> Kaha ou winyike kupwa chakuzeneka mangana na rock na roll, na vyuma etu kuya nakuhita, na vyosena awa hano Tumbombo na matupa, kaha munatachikiza vyosena kwimanyina hano mu Mukanda, wa Mbimbiliya? Echi chinahanjika mu Kusoloka. Punduvene, cheji kulingika. Omu vathu, vakiko, vakiko vali—vakiko vali...vakiko, vakiko, talenu, vakiko, vakiko kaveshi...Vakiko vafwile. Vakiko kaveshi nakusangula. Vakiko kaveshi va Hayamyaka. Vakiko kavapwile numba mu Vishinganyeka, shikaho vakiko kuya nakunonga. Vakiko navakaya nakulinga hayamyaka, kunonga mwosena. Vakiko navakaya nakuzangamisa ha kushimbula cha lwola, ha chuma vanalingi, oloze kalachuma yize yapwile nakuputuka yatela kupwa namakumishilo.

<sup>105</sup> Echi chili chize chakuzeneka maputukilo, makumishilo auchi. Kuli kaha kufwana chimwe cha Kuyoya cha Hayamyaka. Kufwana chimwe cha Kuyoya cha Hayamyaka, etu kufwila chize. Talenu.

<sup>106</sup> Yoshiwa, kapetulu 2 wa Yoshiwa, lihule mukakufwelela Vakamafuchi eka na eka kwivwa, kaha chisaka, na kuvaneha mwishi ya lungozi luchila, luze lwapwilenga katachikijilo kufuma muli miluwa va Yoshiwa. Kangelo ka Kalunga kwenyeka alemesele kaze katachikijilo, kaha chize kaha, muze mu mbongi. Kuze kwapwilenga kutondeka cha Kalunga, hali vangamba Jenyi, nge Kalunga atondele kaze katachikijilo, kaha chize chapwile kaha. Kangwalizakaminako kachi apwile chingenge cha kasulu ya mbaka, kachi apwile muthu wakujila mu

mbaka, kachi vakiko vayile muliuka lyalinene muno mumbaka, vyuma vyosena mu mbongi kuholoka oloze ize zuvo. Kalunga, ukawenya, avwumbikile katachikijilo.

<sup>107</sup> Talisenu, Yeliko yevwile nge Kalunga apwile nakulinga vyum vyavinene, oloze vakiko kavahashile kutambula kuhuhumuna.

<sup>108</sup> Shikaho vathu na lelo kwivwalila chuma muka Kalunga anapunga nakulinga myaka yamakumishilo, oloze vakiko kavahashile kutambula kutambula echiko. Eli ngolo jajinene ja likoji na vinjikizo, nge omu Ikiye ashikile, "Shimbu chapwile mumakumbi a Satome, shikaho mukiko nachikapwa." Omwo Ikiye ashikile nge chuma nachiya nakupwa! Tala chuma muka chasololeke mu Satome. Anuka, kuze kwapwilenga chinjikizo cha Satome. Oloze muluwa, wa Malaki 4, ali "kumbata michima ya kukindulwisa masevo, vaze va chipendekosita, kukinduluka ku Mbimbiliya." Kakweshi kukapwa cheka Mbimbiliya ko, chumachimwe cheka. Echi chinapu kusoloka chosena cha Kalunga.

<sup>109</sup> Kaha muthuumwe ngwenyi, "Chamwaza, Ngwafwelela *echi* chihanda, Ngunahono kutachikiza hali Chize."

<sup>110</sup> Uze muluwa ivene wa Kalunga kukupandamisa na Chuma chivene! Talenu? Talisenu, chize chikiko Shipilitu Wajila eji kulinganga, kukuneha nakukinduluka kukala Lizu lya Kalunga.

<sup>111</sup> Likoji lyenyi linasoloka, kusopesa Chenyi chikiko chakushisaho. Vakiko vatelele kufwelela nge vakiko vapwile vakukingiwa mu kutohwa cha chikungulwilo cha jizuvo jajinene vakiko vapwile nayo Yeliko, oloze vakiko kuwana nge kachazachileko.

<sup>112</sup> Kwatela kupwa vamwe va...pamo kupwa kuze kujila yimwe, kuze kwapwile lizavu limwe lya vanyike vamalunga vengilemo, kaha vavalwekele vosena kupwa mbuto yakutongola kupwa hamwe. Kaha ikiye akwechi...kaha ikiye azachishile zuvo yenyi ha liuka, kaha kutambula miluwa; kaha jino kupwa na vyosena mu mbongi yenyi, uze nahase kufwelela, mwishi ya katachikijilo.

<sup>113</sup> Pwevo umwe mu muze chiyoyelo chachinene! Umwe pwevo wamundende, na puho yenyi yosena, kupwa wakuhangiwa kufuma mukala liuka muze mumbongi, oloze ikiye afwelele nge muluwa. Kaha uze muluwa asezele katachikijilo, chize chinjikizo, kaha Kalunga avumbikile katachikijilo. Shikaho mukiko chili na lelo. Anuka kaha, omwo utenu wa Kalunga wenyekele chize chapwile nakwiza, nge zachiso yayinene kuholoka, katachikijilo kalamine zuvo yenyi kanawa. Keshi mwomwo ikiye apwile wamwazako; mwomwo ikiye apwile na lufwelelo na kuhaka katachikijilo.

<sup>114</sup> Jino chumamuka kachi ikiye ambile ngwenyi, "Yaa, vakiko vapwilenga malunga vambwende, Ngwawahilile mujimbu

vakiko vahanyine, oloze, wakushishika, kwivwakana uleya kupwa nalungoji lwakusukama ha janena, nanguya kaha nakukokako”? Echi nachiya nakuholoka. Nachiya nakuholoka. Kalunga avumbikile katachikijilo, chochimwe chiyoyelo cha katachijilo mu Ejipitu.

<sup>115</sup> Yoshiwa apwilenga muyachi wa Yesu, mwomwo *Yoshiwa* kulumbununa “Yehova mulwilo.” Ikiye apwilenga muyachi wa Yesu, wapwilenga wamuchano chinjikizo cha muluwa wenyi vanangwile. Yoshiwa atwamine mumuchano kuli kaze katachikijilo ka chinjikizo. Vyosena kupwa mwishi ya ulwilo, mu Ejipitu. Vosena mwishi ya wakulwila, mu Yeliko.

<sup>116</sup> Aze Manyinga amwana Mukoko lelo lwa Katachikijilo, nge Shipilitu Wajila kupwa Katachikijilo ka lelo. Vyosena vili mwishi Yacho vyakukingika. Vyosena vyakufuma mwishi ya Echi kacheshi kupwa yakuKingikako. Mu Hepeleu 13:10 na 20, Ikiye vanamuveluka kupwa “chivwasano chahaya myaka.” Chize chivwasano chamwaka chapwile chumachimwe, echinapu Chachya, echichi “chivwasano cha hayamysaka.”

<sup>117</sup> Kalunga, Manyinga a Kalunga akukashiwa ku jishimbi, kulingisa etu kukasunuka na kufumisa sonyi, na kuhandunuka kufuma kukaye kwosena. Ove kawatela kuvwala mwakuhandunukako; kalamuthu nahase kuvwala mwakuhandunuka. Ove watela kupwa, mukachi, kuhandunuka. Chize Chiyoyelo chili mukachi; keshi kuvwalako, kuvwala. “Ou Wangana wa Kalunga kaweshi kulya na kunwako, mokomoko kuvwala mahina; oloze echichi chinapu kuvandamina chikiko kuyanda, kuwaha, kalemesa, kukakachila, muli Shipilitu Wajila.”

<sup>118</sup> Jino, jishiko jeji kulinisa kukasunuka kufuma kushili, kusolola nge Kalunga keshi—keshi kutachikiza shili yove. Ndavichi ambile ngwenyi, “Wakukisula muthu uze Kalunga mwahona kuvulukila shili.” Kaha Kalunga keshi kuhaka shili ha Katachikijilo, mwomwo Katachikijilo kanapu chinjikizo chakufwetela nge Kalunga natambula lyehi. Kaha ove ukwechi katachikijilo hali echichi, pri...lufwelelo lwove kunehe echichi. Kaha ove watela kulanda ndando ya kusokoka cha mujimba wove, kulifukula kuli Ikiye na kusolwesa nge jishiko Jenyi na ngolojenyi.

<sup>119</sup> Eyi *Testamende Yayihya* kulumbununa “chivwasano chachihya.” Awa *Manyinga* kulumbununa “Kuyoya.” Eyi Tesitamende Yayihya yinapu Shipilitu Wajila tesitamende, Shipilitu Wajila kuhana unjiho wa chumauka Yesu Kulishitu nasangukilala kufuma kuvafu, kusolola Yesu na humangana na kutondeka chetu, kaha lelo ayoya. Kaze Katachikijilo kwinjikiza Ikiye ayoya kulisolola Lyavene hamwe na etu, kutesekesa na lushiko Lwenyi. Jino muthu mwaya ngachilihi nakutanga eyi Mbimbiliya na kumona nge Ikiye ashikile echichi, kaha

talenu Kulishitu kukinduluka mumakumbi akumakumishilo muchifwanyisa cha Shipilitu Wajila na kulisolola Lyavene ayoya? Kaze Katachikijilo. Chize chinjikizo. Ize ikiko ndando yakufweta.

<sup>120</sup> Kanda kukundamina ha kwivwa chove. “Ngwevvile fupakanyi hanyima yami. Kaha—kaha Ngwa—Ngwanukile chumachimwe; kumona manyinga amwe mumavoko ami,” mokomoko maji amwe. Mokomoko—mokomoko, “Ngwangalanyine Bachelors Degree.” Mokomoko, “Ngwakininyine mu Shipilitu. Ngwatambakanyine. Ngwahanjikile mumalimi.” Vakiko vyuma vinahase kupwa chakwołoka. Kangweshi nachuma hali vakiko, oloze keshi mukiko Ngunahanjikako.

<sup>121</sup> Ngulinakuhanjika ha katachikijilo ka Katachikijilo, Yesu Kulishitu, asangukile kaha muli etu jino, kulisolola Lyavene, kwinjikiza lushiko Lizu Lyenyi lya lelo. Amena. Jino ove na Kulishitu umwe. Kalunga na Kulishitu umwe. “Lize likumbi, enu namukaya nakutachikiza nge Nguli muli Tata, Tata muli Yami; Nguli muli enu, kaha enu muli Yami.” Kuli Kalunga kulisolola mumujimba wanyama, kusolola Lyavene ayoya, hanyima ya myaka tu sauzande. Echi kanapu Katachikijilo.

<sup>122</sup> Kachi ove kaweshimoko, kwingila muze washiwashi, masepa. Echi chinahase kushimbula nawa kuchelewa. Etu katwatchikijileko.

<sup>123</sup> Kusolola vyangocho Kumeso Eyi, Tesitamende Yayihya, Manyinga. Kaha Echi chinapy chakuyoya jino, kutunga kwinjikiza. Kaha mwomwo Ikiye ali, etu kupwa na lisesa lyosena Ikiye atulanjilile. Muthu uze akwechi lujimiko lwa Shipilitu Wajila, mokomoko pwevo uze akwechi lujimiko lwa Shipilitu Wajila, ali nalusesa kuvyuma vyosena nge muze Yesu atulanjilile, mwomwo chize chikiko chinjikizo chize etu tukwechi. Chize chikiko chalanda ngolo.

<sup>124</sup> Kuhanjika chakutalilaho ove muhanjika, “Chamwaza, Ndumbu walunga Branham, unatwale mulihi?”

<sup>125</sup> Hano, chihanjike hatoma jino, kaha Ngwatondo enu vathu kupwa na echi. Tala, kachi Ngwapwile nakufwa zala yakufwa, kaha Nguntachikiza mbolo, kuhanjika, ndando ya chimbwa, kaha hinakwiza ndumbu walunga na kuhanjika, “Waha chimbwa echi, Ndumbu walunga Branham. Ove uli nazala; mbata echi chimbwa.” Jino, unatachikiza, Ngunahase kupwa wakuwahilila na chimbwa mulivoko lyami nge Ngunahase kupwa na mbolo mulivoko lyami, mwomwo Ngukwechi ndando yakulanda nacho. Ngukwechi katachikijilo kakulanda nacho mbolo. Kaha hazevene hali mbolo; kaha vyuma kaha, Ngunakwate katachikijilo, chimbwa chakulanda mbolo, Ngunahase kupwa wakuwahilila na katachikijilo nge Ngunahase na mbolo.

<sup>126</sup> Jino, kachi enu mukwechi lujimiko lwa Shipilitu Wajila, kaze kanapu Katachikijilo ove uli nako chuma chakusokwesa ha kufwa cha Yesu, kupanda kuli ove, chili mulivoko lyove. Ove uli na woma wakutambula ech?

<sup>127</sup> Kachi Nanguhaka mbolo yami, kaha kuhanjika, “Chamwaza, Ngwahono kutachikiza nge Nanguhassa kulanda ize mbolo mokomoko nduma,” Nangufwa zala yakufwa. Oloze anuka, mukakusekasana ngwenyi, “Ngukwechi kutondakeka chimwe, Mukulwane Branham. Wani twende faifi ngwee, enu munahase kupwa na mbolo yosena.” Ngwayitambwile! Amena. Mukiko kaha.

<sup>128</sup> Ou ukiko mulonga etu katweshi nakumona shikaho vyuma vyavivulu lelo, Katachikijilo kakeshi kakusololako, Katachikijilo kavene. Mamalelo, etu tukwechi vyosena vy a makuli, oloze Ngwatwale mu Katachikijilo kavene.

<sup>129</sup> Tala, jino omwo etu tunatachikiza na kuneha Katachikijilo, Kuyoya kumbata Katachikijilo, Manyinga kutuhanjikila. Anuka, chivwasano cha Manyinga vachitachikijile na Katachikijilo, kaha Lizu lyatukunyukisa etu lushiko. Kaze Katachikijilo kanapu chinjikizo chize chakutulanda vanatulingila.

<sup>130</sup> Jino, kachi ove kavakuhakilemoko, chamwaza, mukiko vene, ove kaweshi kuya nakulinga chumako; ove unapu kaha nakutambuka kuhita mumukana wakulombela, kutambuka kunyima; kutambuka kuya kukamenga, nakutala helu, kukinduluka nakuya.

<sup>131</sup> Oloze, mamalelo, ndumbu walunga, omwo kaze Katachikijilo vanaka hake muchihela cha muchima wove—wove, kaha munatachikiza chinapu kusanguka cha Yesu Kulishitu muli enu, chumachimwe chili nakusoloka. Kakweshi chuma chili nakuya nakukwalumuna. Ove unatachikiza okwo wapandama. Kwononoka chakuzalilila ku Lizu lya Kalunga nachikuhana ove Katachikijilo, kaha kakweshi chuma chekako. “Wakukisula wosena eji kulinganga mwaya Jishimbi Jenyi josena, ikiye mwakaya kupwa wakwoloka ku Mutondo wa Kuyoya.”

<sup>132</sup> Kahajino, omwo etu natulilombelela, etu twatela kupwa na Katachikijilo hano na malombo etu. Jino kanda kuhona kutambula chizeko. Omwo ove mulomba, ove watela kupwa na Katachikijilo katela kukwata malombo ove; kachi ove kakweshiko, twalilaho kulomba palanga Katachikijilo kaneza, mwomwo ove kavakushikileko kukatambulako. Talenu, enu mwatela kupwa na aka Katachikijilo chatete; chize chinapu kufweta ndando, lufwelelo lwove kufwelela ech.

<sup>133</sup> Jino, chinjikizo cha kwononoka mukuzalilila. Woma kuya. Paulu atulweka etu ngachize, “Awa Manyinga kuhanjika vyuma vyambwende.”

Ove ngwove, “Awa Manyinga eji kuhanjika?” Yaa, Manyinga eji kuhanjika.

<sup>134</sup> Mu Kuputuka 4:10, etu twawane nge Kalunga ahanjikile ngachize—nge Kena ali...mokomoko, “Manyinga a avele ahanjikile kufuma hano hamavu.” Etu tunawane mu Hepelewu 12, nge, “Awa Manyinga achivwasano cha Kulishitu eji kuhanjika vyuma vya mbwende kuhambakana aze a Avele” Talenu? Etu tunawane, nge Manyinga eji kuhanjika, Eji kuhanjika muchihela chove. Chize Kuyoya chili muli ove cheji kuahnjika kufuma mukumwangala cha Manyinga. Amena. Mamalelo, ndumbu walunga! Ngunafwila kalamuthu nahase kumona ech. Talenu? Kachi enu munahase kumona chuma muka ech, chili Kuyoya chize chili muli enu. Talenu, nge Manyinga alinakusolola enu na Echi. Kanapu Katachikijilo. Va... Chumamuka ech chili, Manyinga apwile akumwangalila hali enu; ove unetavila, kaha Kuyoya chineza muli ove. Ove watela kupwa na Katachikijilo, ikiko Shipilitu Wajila.

<sup>135</sup> Kahajino omwo etu natulomba, etu twatela kupwa na Katachikijilo hano na malombo etu, nge omu Ngwambile ngwami, kaha jino kufwelela etu vavene na kuhaka Katachikijilo ku chisaka, nge mu Ejipitu, Yeliko, mokomoko chipwe mu Vilinga 16:31. Etu tunawane nge Paulu amulwekele uze mukulwane wa maswalale wamu Loma, ngwenyi, “Fwelela, na vakuzuvo yove navalwila.” Haka Echi ha chisaka chove. Kachi ove ukwechi mwana wakuhonu kulwila, haka Katachikijilo helu lya ikiye, kuhanjika, “Mwata Kalunga, Ngunamatondo.” Twama hazevene. Kachi ove ukwechi naye mokomoko wakuzanga umwe wakujimbala, haka Katachikijilo hali vakiko, kuhanjika, “Yehova Kalunga, Ngunatondo ech.”

<sup>136</sup> Tambuka, mumajilo akaye, kulovoka mu zuvo yove, pwako wakulizanga hali Echi. Ocha jiputla jenu. Mbilenu makati enu. Mbilenu makanya enu. Mbila kuzeneka kufwelela chenu na mapapilo ngungulu, muze atela kupwa. Amena. Jino ove uli nakupwa wakulizanga. Jino chumamuka chakulinga? Jino haka Katachikijilo mukulomba, na chinjikizo chivene, lufwelelo luvene. Kahakenu Ho, kahakenu Ho na kufwelela. Omwo enu namuhaka Katachikijilo, kutachikiza nge enu vanamifumisa. “Kachi michima yetu kayeshi kutupaisako, kahajino etu tuli nakutonda chetu.”

<sup>137</sup> Kachi enu vathu muli nakulinga vyuma vize vyakuhenga, nauya ngachilihi nakulomba Kalunga kukulingila chumachimwe nge ove unatachikiza nge ove unapu wakuhenga? Ou ukiko mulonga etu tweji kutalyangilanga na kutalyangila. Kangweshi nakuhanjika ech nakulemekha. Ngulinakuhanjika ech hatoma, kulingisa vyuma vyakwoloka. Vangahi muli nakuya nakutunga ha milima Satome na Ngomola? Kukinduluka!

<sup>138</sup> Mazavu na vakakuzata vanahake vathu kuli vyuma kala, na kupwa navyo, kaha kuhaka lijina lyavo mu mukanda na kuvavuluka vakiko *echi, nge*, kaha *veka* nawa, omwo chinapu chasonryi. Kaha echu chili na lufwelelo chili chumachimwe chize kacheshi na . . . kanda numba kakavulu kutachikiza chumamuka chili. Vakiko, vakiko vakwechi latalililo, oloze chakuzeneka lufwelelo.

<sup>139</sup> Ove watela kukinduluka kunyima, na, vyumavyosena vanavisakulako na kutomesa. Jino mbata Katachikijilo, kaze ove unatachikiza nge Yesu Kulishitu ali muli enu, jino Kakahakoho. Kachi chumachimwe kacheshi nakusoloka, kuli chuma chimwe chakuhenga; kinduluka cheka, ukwechi chuma chakuhenga mulivoko lyove. Ikiye ashikile echu. Ikiye apwilenga Umwe uze ashikile echu. Ihake Echi. Tangenu Efwasu 2:12, lwola lumwe, kachi enu—kachi enu mwatondo, kaha namuya nakuwana kuze.

<sup>140</sup> Talisenu mu Hepelewu 9:11, nawa. Paulu ngwenyi, “Kuzachila Kalunga wakuyoya, na vihande vya kujila.” Keshi kuhanjika nge ngachize Nanguya nakupwa nge mu Hepelewu kuzachisa, mbata mulambu, na kwiza nakushikumuka mujila, na vuli wamunene wamaji, na kuhaka mavoko hali echu nakusolola lyavene, na kumwanga manyinga, kuya nakupwa vakutohwesa. Yehova atondele chize. Ikiye achilingile. Jino chisemunuino chakushisaho, pamo vakiko vakwechi kupwa vatuta chindende; mutuumwe nawa, kupwa vakututa chindende. Chuma chatete munatachikiza, chejile nakupwa chisaka cha chisemwa.

<sup>141</sup> Omu mukiko pendekosita chatela kwiza kuli etu, chisaka cha chisemwa. Etu kupwa, nakuhanjika, “Kumana chize kacheshi chisaji chamivwimbimbi kusolwesa kuwaha ufukuuno? Shikangaho vakiko valingile ika kuliuka? Mwata Yesu, hindula . . .” Mamalelo, keke! Talenu? Echi chinapu chisaka cha chisemwa— . . . “Munatachikiza, Ngwahanjikile mumalimi likumbi likwavo. Ngwapandama kuli *echi*, mokomoko *chize*, munatachikiza. Huu-hu.” Mamalelo, chinapu chisaka cha chisemwa!

<sup>142</sup> Munatachikiza chumamuka Kalunga ambile? Kalunga ambile ngwenyi, “Mikoko jenu va maji kunuka mumazulo. Echi chakwoloka, milambu yenu yineza nakupwa kunuka.”

<sup>143</sup> Kaha shikaho apwile na milambu ya Chipendekosita, na kuvatula vya vikungulwilo na kutwalilaho, kaha mapwevo jetu na malunga kulinga mujila vakiko vejikulinganga, chifwanyisa cha kutwama chakalemesa kumeso akalunga; kuzata myasso, na mutuumwe kutumbuka helu na helu chindende; kaha echu chili kwosena, nge mbashiya ya meya kumbila hachili chize, kachi Lizu lya Kalunga chasolokele nakwiza na vyangocho na kuhanjika chumachimwe. Ukalu uli halihi? Milambu yenu yaputuka kunuka kumeso a Yehova.

<sup>144</sup> Kaha lwapwile lwola luze Isaya ejile nakusoloka, kaha avalwezele vakiko, “Nanguya nakumihana chinjikizo cha hayamyaka, sanda mwakaya nakwimita.” Talenu, kuze enu muli. Keshi vifwanyisa vya kufwa na vilinga vyamauka, nduma; oloze vilinga vyakuyoya, Kalunga wakuyoya uze asangukile kuvalu, na kuyoya mukachi etu.

<sup>145</sup> Vamwe muli vakiko, awa mauka nge ngachize, mwafwelela evi vyuma kana, vakiko kukana chuma kana nge Katachikijilo. Chamwaza, mukwetu kweseka kungulweka yami, “Kuvangila vapositolo likumi navavalu vatambwile Shipilitu Wajila. Mukiko kaha chapwile. Yaah.” Mamalelo!

<sup>146</sup> Oloze etu vaze vafwelela eli Lizu, kutachikiza mwakuhandunuka, etu kutachikiza echi kupwa Kumeso akuyoya. Mwomwo omu etu tunatachikiza echi Kumeso akuyoya a Kulishitu, Shipilitu ize ili mukachi ketu? Yeji kulinga mwomumwe Ikiye alingile. Chize chikiko chinjikizo cha echi. Mu vinyo vawijivila ha mihako weji kwimanga. Kaha jino kachi uze muvinyo watete kwiza nakulovoka kaha vakiko vasonekele mu Mukanda wa Vilinga kunyima yachize, kaha vyuma vyovimwe nge Yesu kulinga, va positolo valingile; jino omwo uze muvinyo kwiza cheka, cheji kulingika chuma chochimwe. Talenu, Hepelewu 13:8 ngwenyi Ikiye ali youmwe, mamaah, yami, kwinjikiza nge Kalunga nasangula Ikiye mwomwo etu, kutesekesa na Lizu lya lushiko Lwenyi. [Hatepu hapimbi—Muka.]

<sup>147</sup> Katachikijilo ka lushiko! Efjesu 4:30 ngwayo, “Kanda kuyengetesa Shipilitu Wajila wa Kalunga ko, uze enu vamijika lyehi palanga na likumbi lya kusokoka chenu.” Keshi palanga kuhizumuka chakushisaho. “Palanga likumbi lyove lya kusokoka!” Kupwa wakujimika muli Echi, kutesekesa na Kolinde Watete 12. Kaha muli Ikiye muli kuzalilila, kaha kakweshi shili yasoloka muli Ikiye. “Ikiye uze na semuka kuli Kalunga keshi kulinga shili ko. Ize mbuto ya Kalunga yatwama muli ikiye, kaha ikiye keshi kuhasa kulinga shiliko.” Mwalinga ngachilihi, omwo Katachikijilo kuze? Kaze Katachikijilo kupwa chinjikizo kupwa chakwitavila.

<sup>148</sup> Kaha, chamwaza, ove kuhanjika, “Ngwavulumuna.” Chamwaza, jino ove kanda apwenga na Katachikijilo. Talenu?

<sup>149</sup> Kaze Katachikijilo kanapu mbango, kusolola nge ndando yayifweta. Kachi Satana mweseka kukuhancho ove... Shinganyeka kaha hali echi. Kachi Satana kweseka kukuhana misongo, mokomoko kweseka kukuhana chumachimwe, ove unatachikiza chumamuka chakulinga? Musolwese ikiye Katachikijilo kove. Punduvene, misongo kuveta va Kakulishitu. Musolwese Katachikijilo kove, kaha kwinjikiza kuli ikiye nge ove vakulanda na vyuma vya Kalunga. “Mwimanyine liyavolo na kole, kaha ikiye mwakuchina.” Kwachilila Katachikijilo

haze ha lufwelelo lwakuhona kutambuka mu Lizu Lyenyi lyashikilo.

<sup>150</sup> Kalunga omu ahanyine chinjikizo cha kongolo kupwa katachikijilo. Nguli nakusoka. Kuhanachinjikizo cha kongolo kupwa katachikijilo. Nguli kaha nakupwa na minyutu teni, kaha jino kupwa namuka wa kulombelela. Ikiye atwalileho kupwa wamuchano ku katachikijilo. Ikiye Alingile? [Chikungulwilo ngwacho, "Amena."—Muka.] Ikiye ejи kulinga ngocho. Awa masauzande osena a myaka, Ikiye kanda lyehi numba kamwe, lwola lumwe, kuhona kusolola echи. Ikiye apwile wamuchano kuli katachikijilo, kusolola kuli etu nge Ikiye kanda...kaha kanda mwaya nakuhona kuvumbika tutachikijilo Twenyi. Kangwazakamako kachi echи chili...

<sup>151</sup> Kachi Yesu ejileko kwiza ha teni sauzande ya myaka, oveuli na Katachikijilo, Ikiye atela atela kuvumbika Echi. Chipwethuhu kanaghi vyuma navyalumuka, kaha kalachumamuka, Ikiye akwechi kuvumbika kaze Katachikijilo. Ikiye ambile ngwenyi Ikiye mwaya nakulinga. Chosena chakwoloka. Ikiye alinakutonda etu jino kusolola Katachikijilo Kenyi, ha lufwelelo lwakuhana kuli Kalunga, kulivosena vakakuzeneka kufwelela vamuno mulifuchi na mu kaye, vaze vafwelela chize chinjikizo na vihayamisa kavyakavangiza vakakufwelela. Kaha kupwa muchano wa Katachikijilo, kaha Chasolola nge tando vanayifwete kaha etu vanatwitavila mwomwo kusanguka, hakupwa Katachikijilo ka Kuyoya mukachi ketu.

<sup>152</sup> Chize kuvatula Mujimbu, oloze ou unapu Muchano. Echi chikiko etu twatondo, Muchano. Kalunga ejи kutukafwa kutachikiza Muchano. "Ove myua nakutachikiza Muchano, kaha ou Muchano nauya nakupwa wakukasunuka." Ngunatambula ngana nge Yesu Kulishitu apwa youmwe zau, lelo, na haya myaka. Ngwafwelela nge Kalunga ejи kuhananga Shipilitu Wajila shimbу Chinjikizo, hano vene jino, shimbу kanda kulovoka, cha—cha Mwenga kuya nakulovoka muliuka.

<sup>153</sup> Ngwafwelela nge kuli vyakuzeneka mangana, na vathu kuhanjika nge vakiko vatela kutambakana, vakiko kuhanjika mumalimi. Ngwafwelela muli vize vyuma; oloze ove kaweshi kuhasa kukundamina hali chizeko. Nauya ngachilihi nakukundamina hali chize, kaha jino kukana Lizu? Talenu?

<sup>154</sup> Kaze Katachikijilo kanapu eli Lizu kusoloka muli enu, kuyoyela Livene nakulovoka. Kalunga Ivene Ikiye mukakulumbununa Lyavene. Ove kawatela kuhanjika, "Chamwaza, jino, ove kulumbununa lilimi." Echi kacheshi ngochoko. Ikiye kulumbununa kuyoya chove na Lizu. Omwo Ikiye mwambata lizu lyove, chumamuka ove wapwa, kaha kusolola Lizu Lyenyi kuhichila muze, chize kachatondekele

kulumbununa, chili lyehi muze. Kalunga eji kulumununa Lyavene Ivene, kaha etu tuli na eji jishiko ja likumbi.

<sup>155</sup> Mamalelo, Dallas, enu lizavu lyazangi lya Vakakulishitu, kanda vamimbata na evi vyuma vyamajilo vya leloko, nge enu namumona kuya nakujinguluka, mwomwo chili nakuya nakunonga. Kuhema kaze Katachikizo, kusolola Katachikijilo. Tanga etu Mbimbiliya. Twaya kuno kuvyuma vyosena. Kaha kachi shipilitu yove muli ove kanda kuhanjika “amen” kuli Chize, jino enu namupwa kanawa kuya nakukinduluka, kwalumuka nge ukwechi, mwomwo ya Katachikijilo; ove kaweshi kuhasa kupwa kuli Echi.

<sup>156</sup> Ngunatachikiza nge chumachosena kupwa nakuhanjika hano na musana umwe. Kaha ech chili chakwoloka jino fwo seti. Lunapu lwola jino, kaha kachi etu natufuma ha faifi koloko na mukana wakulombelela.

<sup>157</sup> Enu mwafwelela nge Yesu Kulishitu ayoya na kunyula lelo? [Chikungulwilo ngwacho, “Amen.”—Muka.] Ove wafwelela omwo Ngunamilweke Muchano? [“Amen.”] Echi chinapu Katachikijilo, cha kutondeka. Ngunahase kaha kuhanjika chuma chinapu Muchano. Ngunahanjika kaha chumamuka Ngwamwene, chumamuka ngwevwa, chumamuka chakusolola kuli yami. Kaha mwomwoika Nguli nakuhanjika, ya temi sauzande kapapa sauzande, keshi lwola lumwe nakuhona kupwa na muchano, jino echu chatela kupwa Kalunga. Echi chatela kupwa Kalunga. Chamwaza, kutala Kalunga kuhana mulimo nge nge muthumwe nge kuhona kutachikiza chumauka vakiko vapwile nakuhanjika? [“Nduma.”] Kutala Ikiye alisolwele Lyavene nge mukakumona kuze, kaha jino kwalumuna nakujinguluka na kuhana ikiye kufutula Lizu? [“Nduma.”] Mukweze mwakana Echi, napu umwe uze afutwile. Kaha Kalunga keshi wakutulako. Kalunga napu Lyavene mukakulum bununa Ivene.

<sup>158</sup> Kutambula Katachikijilo! Kanda kulinunga nakala liuka mokomoko kala jijila, mokomoko kalachuma. Tambula Katachikijilo! Kwachilila kuli Chize. Echi chili chuma kaha nge Kalunga mwaya nakutachikiza. Omwo ove mwiza nakushikumuka kuli ize ola, omwo chineze kukufwa chove, ove watela kukwachilila ku Katachikijilo kove ove lyavene; kutachikiza nge muli lize likumbi lya kwiza Chenyi, nge kusanguka, Ngunahase kuneha kaze Katachikijilo. Kayeshi kupwa mumujimba, yinapolo; oloze muli eyi Shipilitu, yize kayeshi kufwako, yinapu Kuyoya cha Hayamyaka, nge Katachikijilo kunokela kuze. Kaha Ikiye ashikile, “Nanguya nakumusangula cheka halikumbi lya makumishilo.”

<sup>159</sup> Uze youmwe Yesu Kulishitu ali hano. Ikiye napu Muluwa. Ikiye ali . . . *Hano hakiko hali Mujimbu*, kaha Ikiye napu Muluwa hano kusolola Mujimba Wenyi. Yami kangweshi Muluwako.

Ikiye napu Muluwa, kaha *Ou* unapu Mujimbu. Kaha kachi ove uli na shipilitu nachilimbala na *Chize*, nachipwa ngachilihi ou Muluwa wa Mujimbu? Kuvangila Katachikijilo mwaya nakusolola Echi. Amena.

<sup>160</sup> Ngulinakwivwa kulifukula. Ngweji kulinga. Ngulinakwivwa nge Ngunahase kutuka hano vene jino, mwomwo Ngunatachikiza Hiya Ngwafwelela, kaha Ngunamono chiyoyelo chami kulisolola hamwe na Ikiye mu kusanguka Chenyi. Kumeso Eyi hano. Kwitavila Echi, masepa, mwane linga, mwishi ya muchima wove.

<sup>161</sup> Ngunatachikiza etu vosena kwiza kukamenga na kulomba. Echi chinapu chishinganyeka chamwaka cha Mesondisiti. Vakiko kavalingile chize mu Mbimbiliya ko. Eyi Mbimbiliya ngwayo, “Vavavulu vafwelelele vavajimikile.” Echi chakwoloka. Kakweshi chuma nge kamenga kuvuluka mu Mbimbiliya. Echi chikiko chumachimwe twahakilileko, chinapu chosena chakwoloka. Kalachuma Kalunga mwakisula, echi chili chosena cha kwoloka.

<sup>162</sup> Nge omu vali nakuwavisa malesu. Kuze kanda lyehi kupwenga chuma kana mu Mbimbiliya. “Vakiko vafumishile kumujimba wa Paulu malesu na mahina.”

<sup>163</sup> Oloze kala jila ove unatondo kulinga, echi chili chakwoloka, muchitwamo chove, haze ha kamenga, kwosena echi chili. Chuma chivene, kuhaka *Chize*, kaze Katachikijilo kuli ove. Jino tala ove lyavene, kaha tala muyachi wa kuyoya muka chili nakuya lika, talenu kachi Echi chili chakuhakaho mokomoko chiku. Kachi Echi kachahashileko chumamuka ove ukwechi, kusali, kaha kwiza nakukinduluka, palanga kaze Katachikijilo kukahaka.

<sup>164</sup> Echa tulombe. Tata wa Mwilu, pamo Nguna—Nguna—Ngunahanjika mwamukalu, oloze, Mwata, omu lumbambo kuya nakukwata palanga ove mulifunya? Ngwalombo, Tata, nge nachiya nakulifunya mu muchima ya vathu, nge vakiko navaya nakumona nge echi kacheshi chuma chachinene. Echi kacheshi nge Nguli nakweseka kusolola chikungulwilo chimwe, muyachi umwe, twayenu, vathu vamwe, mokomoko yamlyavene, mokomoko kalamuthu nawa. Uze napu Yesu Kulishitu. “Nanguya na kumbila mazavu osena hamwe,” vakiko vali sikisi hali umwe kaha chimbwa chikwavo, kutesekesa na Lizu Lyove. “Mama wakashinakaji wapwevo wapuho,” eyi Mbimbiliya mu Kusoloka 17, “apwile naye ya kalamwosena uze lihule.” Kaha vakiko kaveshi kupwa muthuko. Vakiko vapwile vakaujila, kaha vakiko vosena vayile nakwingila mukahela ka kaye kosena. Kaha etu twamono echi kulingika, Pendekosita na vyosena.

<sup>165</sup> Oloze, Yesu, Ove hanga wasala lika Yesu. Echa vakiko kaveshi nakwivwulila kuli ou mujimbu wa liuka; oloze Mujimbu

wa Kulishitu, eli Lizu. Echa Ove Ulisolwele ove lyavene, Mwata, lelo, na vakakufwelela. Hindula vosena vakakuviza. Konekela jishili, Mwata. Ngwa—Ngwalombo, nge ngamba ya Yove, ngwamilembelela shili jami, na kukonekela jishili ja vathu. Ngwafwela, Mwata. Umwe wosena kakweshi kukakasana kukafwa wana, kufweta ha—ha jizuvo, kaha vakiko venyekele mali avo, kaha vakiko—vakiko—vakiko valingile vyuma vyosena, Mwata. Ove Kalunga, Ngwalombo nge kuze kakweshi numba umweko wamuli vakiko vahonene chize, Mwata. Echa umwe na wosena!

<sup>166</sup> Nguna—Nangulinga echinna kushishika, kaha ohonyi, Mwata, Ove watela kupwa hatoma. Etu tunatachikiza, kwolola zangi. Zangi yeji kwolola. Kaha Ngwalombo. Mwomwo ou ukiko mulonga nge Ove kwolola vathu Jove, apwile mwomwo Ove kuzanga vakiko, kaha kala shili yatela kupwa wakukumbulula.

<sup>167</sup> Kaha, Tata, Ngwalombo nge Ove uyenga na kukonekela jishili jetu jino, shimbu etu natulikonekela. Etu kupwa wakulikomokela kwakusuku, Mwata. Nguli wakusoloka hamwe navaze vathu Vachipendekosita, Mwata. Nguli—Nguli umwe wavakiko. Kaha Ngwa—Ngwalombo, Kalunga, nge Ove uyenga nakutukonekela etu vosena. Kaha kumbata vamwe ava vatwamina na kuvalumuna nakujinguluka, kaha—kaha echa vakiko kutala kutwala ku Kavali kamwe, kaha jino vakiko navaya nakuvulyama ha chuma muka vakiko vatela kupwa, mukulwane mokomoko kalama, mokomoko kalamwosena omu chatela kupwa, kaha kutachikiza nge katwapwa umwe wamunene mu Wangana. Etu twapwa vosena vana va Kalunga. Ngwalombo nge Ove uyenga nakukafwa jino. Kulisolola Ove lyavene hakachi ketu, lelo. Etu twalombo mu Lijina lya Yesu Kulishitu. Amena.

<sup>168</sup> Jino shimbu kanda etu tuputuke kulombelela mukana, pamo muthuumwe hano kanda apwenga kuno. Ngunahono kutachikiza ove uhiya, oloze Kalunga akutachikiza. Kachi Ngunambulula Muchano, echa Kalunga achisolole, chipwe unapu Muchano mokomoko keshiko, echi chikiko chinjikizo. Kachi Ikiye nasanguka kufuma kuvalu, Ikiye apwa youmwe zau, lelo, na hayamyaka. Ikiye ambile ngwenyi mu Yowano 14:12, “Wosena mwafwelela,” keshi uze mukakwitavila kufwelela. “Wosena mwafwelela muli Yami, milimo eyi Ngulinakulinga naikiye nawa mwakayilinga.” Echi chakwoloka?

<sup>169</sup> Muthumwe ambile ngwenyi, “Vyavinene kuhambakana evi namukalinga.” Echi chakwoloka. Ambile ngwenyi, “Chamwaza, etu tweji kunangula Mujimbu wamwaza, echi chinapu chumachachinene.”

<sup>170</sup> Kulinga vyuma Ikiye alingile, chize nachiya nakwinjikiza kuli yami, talenu, jino etu kuya nakuhanjika hakutohwa. Ngunahase kumilwekesa vyuma vyavinene Ikiye ali nakulinga

jino kuhambakana omu Ikiye alingile omwo Ikiye apwilenga hano hamavu, kaha chize kacheshi kunangula Mujimbu wamwaza, chipwe; echi chinapu vinjikizo na vikomwesa. Keshi lwola hali chizeko. Kufwelela kaha. Kaha echa Kalunga wa Melu, Uze asangwile Yesu Kulishitu kufuma kuvalo, kaha kumwimika Ikiye hano wakuyoya, kuli etu, hanyima ya tu sauzande ya myaka, kulisolola ou Mujimbu, nge Chili cha kwoloka. Kaze Katachikijilo kupwa nakuhaka.

<sup>171</sup> Jino, enu mukwechi misongo na maukalu, lombenu, pwenu kaha vakushishika kuhanjika, “Mwata, Ngwafwelela nge Ove wapwa ‘Kapilishitu Wakulitulaho uze vanahase kukwata na kwivwa chakukola chetu.’ Kaha etu vatulweka hali ou mukakuzata hano, nge Ove uli na etu, alino, jino Ngwatondo Ove kupwa na etu na kulisolola Lyavene.” Jino lombenu, muthu wosena.

<sup>172</sup> Jino echi chili kuli Kalunga kuhanjika chumachimwe. Lwola muka! Mamaah, yami! Kachi ove unahase kutachikiza chumachimwe, omu nawiza omwo Chize nachiza, kaye kosena kupanda kuli ove. Amena. Kakweshi liyavolo ali nakuya nakulinga chumachimwe, ikiye napu wakuhashiwa. Mwata Wami kwali. Echi chili chosena mumavoko ove. Amena.

Mwane pwako wakuhola. Kanda kutambuka. Twama kulu.

<sup>173</sup> Ove uli mukalikoki, na vyuma kanda kushinganyeka nge ove wakuhona kulikafwako. Fwelela. Ove—ove, ove unayi nakuhita mumukana wakulombelela, kaha kuhona na kuhona. Keshi mukakuzata uze akulombelela ove, ahonanga. Elu lunapu lufwelelo lwove, kaha ove unaputuka kushinganyeka nge kaweshi kuya na kulinga chuma chimweko. Enu mwafwelela.

<sup>174</sup> Hano, hano hali echi Kumunyika hano, hali pwevo wamulatu natwame kuze kunyima hano, kwimana na mavoko eyi helu nge *ngana*. Yaah. Ove wapwanga nakulomba. Yaa. Ove wafwelela yami kupwa kapolofweto Kenyi, mokomoko ngamba Yenyi? Ngwatela kuhanjika ngachize, mwomwo cheji kulimbwisanga chikuma. Ove ulinavyo vamwaza . . .

<sup>175</sup> Hano hali ou lunga utoma, pwevo wamulatu chochimwe nge muze chapwile na Mwata wetu kaha pwevo haze halishima, miyachi yivali. Ikiye avechele vakiko kutachikiza kupwa chihandwa mumiyaichi. Maulombo etu kaweshi nachuma chakulinga na echi. Etu vosena . . . Etu tunahase kulihana manyinga hali mukwavo. Kalunga atungile, manyinga amwe, mafuchi osena.

<sup>176</sup> Ove uli na mitwe, na mitwe yayinene. Jino ove ukwechi chiteli ha muchima wove, chize chapwile mwana. Kaha ove . . . Echi chili chakushindakanya. [Vandumbu vamapwevo kuhanjika, “Amena.”—Muka.] Chize chapwile vene. Echi chinapu muchano? [“Amena.”] Chize chakwoloka.

<sup>177</sup> Ou mapwevo wakalemesa natwame haze kufuma ove kuze, ikiye kusoloka kupwa kusoloka na ove, napu mama yove. [Uze ndumbu wapwevo ngwenyi, "Amena."—Muka.] Echi chakwoloka. ["Kwalisa Kalunga!"] Kaha ikiye akwechi chumachimwe chakuhenga na ikiye.

<sup>178</sup> Ove wafwelela yami, pwevo wakalemesa? [Uze mama ngwenyi, "Amena."—Muka.] Ove wafwelela? Ukalu wove uli nakukukolesa kusali yove. Echi chakwoloka. Chili kusali yove chize chili nakukukolesa. Echi chili chakwoloka? Katula livoko lyove, kachi echí chakwoloka. Echi kacheshi kuya nakukukatalisa chekako. Ove wafwelela kachi Kalunga nahase kungulweka yami hiya? Pwevo lya Lowell. ["Amena."] Chakwoloka. ["Amena."] Chosena chakwoloka, yako mujila yove, ou Mwata Yesu kukuhana ove kutonda chove.

<sup>179</sup> Hazevene kusongo kuze kuli mukwavo pwevo wa mulatu wamundende natwame haze, kutala, echí chili—chili nge wakupulika muvhanda vihanda. Ikiye kutala hali yami. Ikiye kufwelela echí. Chize, kaweshi kuhasa kumona chize Chuma haze vene hali ikiye? Ikiye ali nakuyanda na ukalu wa jiso. Echi chakwoloka. Echi chili mwosena jino; Ikiye nakuhindula. Amená.

<sup>180</sup> Mwomwoika unahonena fwelela? "Kachi ove mufwelela, vyuma vyosena vinashiwa." Enu mwafwelela echí? [Chikungulwilo ngwacho, "Amena."—Muka.] Hano hakiko... Tala hali ava vathu vamilatu! Lufwelelo lwove luli kulihí, etu vakwetu vatoma?

<sup>181</sup> Hano hali pwevo wamulatu natwame haze, kutala hali yami, muyachi wa pwevo wakalemesa wamunene. Ikiye akwechi ukalu na mambuli eyi. Ikiye ali naukalu, ikiye ukwechi ukalu wamuchima. Yaah. Kaha ikiye akwechi kuzeya, namangona na vyuma nge ngachize, chikuma omwo ove uli nakweseka kupwa hamavu, kusenena. Talenu? Chize chasolokanga ufuku unahichi. Anuka, Kangweshi nakutanga vishinganyeka vyove, oloze Ngunatachikiza chumamuka ove walombele. Ove unatondo kupwa wakusanyika muli echí, lelo, kaha Ikiye akumbulwilo hali ove. Jino ove nawa kaweshi kupwa na mwomwo ove ukwechi musongo wakutenda muvifuwa. Echi chakwoloka. Kaha jino, chuma chikwavo, ove ukwechi ukalu wamujimo, uze napu wakukula mukachi ka jimo. Ou unapu muchano. Jino enu mwafwelela yami kupwa kapolofweto Kenyi? Nanguya nakuanjika echí, mwosena omwo. Fwelela, kaha enu namuya nakupwa kanawa.

<sup>182</sup> Ukalu *wove* uka wamujimo lyove? Ove wafwelela nge Kalunga mwaya na kuka ukalu wa mujimo, natwame haze, nawa? Ove wafwelela echí? Chosena chakwoloka, kahajino ove unahase kupwa na kuka chove cha mujimo. Amená.

<sup>183</sup> Ove watondole kwecha makanya, kuze, pwevo wakalemesa? Ove wafwelela Kalunga mwaya nakukulingisa ove kwecha kunwa makanya? Kweseka halwola lwalusuku. Ove ukwechi ukalu wamujimo, nawa; kupwa nakweseka kwecha makanya. Echi chikiko chili nakuneha ukalu mujimo lyove. Muya nakuwahana? Nguli nakuwfumisa muli ove, mu Lijina lya Yesu Kulishitu, mwomwo wa lufwelelo kumukwata Ikiye.

Ngunakulweke ove kufwelela Kalunga!

<sup>184</sup> Hano hali pwevo wamundende natwame kuze na kumulombelela ikiye... umwe ngwazanga mu chipatela, ali nakufwa, na kansa. Chakwoloka. Napu nathu. Echi chakwoloka. Ove unapu... Ove unapu pwevo lya mukakuzata muliuka. Ove wafwelela namuchima wove wosena, uze muthu mwaya nakupwa kanawa.

<sup>185</sup> Ngunakukunyukisa watela kufwelela Kalunga! Chumamuka chize? Kaze katachikijilo ka Yesu Kulishitu. Ove muhanjika, “Kulishitu Chumamuka?”

<sup>186</sup> Ikiye napu Lizu. “Kukuputuka kwapwilenga Lizu, lize Lizu lyapwilenga na Kalunga hamwe. Kaha lize Lizu valilingishile kupwa musonyi kaha nakutwama muli etu.” “Eli Lizu linapu lyakuvambuka kuhambakana pokyo yauvela kuvali, mukakutumbununa vishinganyeka na mukachi ka muchima.” Kaweshi kuhasa kumona eli Lizu lyejile mukachi ketu mumakumbi akumakumishilo? Ou napu Shipilitu Wajila kumbata eli Lizu lya Kalunga na kusolola Yesu Kulishitu, echi kanapu Katachikizo. Amena. Enu mwafwelela? [Chikungulwilo ngwacho, “Amena.”—Muka.]

<sup>187</sup> Vangahi vakwechi makati akulombelela? Echa vosena kusali *eyi* nge akwechi makati akulombelela, kwimana muze mumukana kuze *kuno*. Kwimana kaha, kusali yosena, kupwa kusali kwimana kuze musali ya pili. Nduma, kupwa kaha kusali yapili, mwane, kuzevene. Vakakwimana kuchikolo, pwenu muvhela vyenu. Kahajino omwo vakiko navahita, echa veka vanemana, hanyima vakiko kwiza nakuhita nakuhita, jino kusali nakusali. Jino echa kala muthu kupwa mukalemesa.

<sup>188</sup> Ou Shipilitu Wajila kumbata kukuliwana, shikaho apwile wakutamo kuhanjika na kwijkiza. Vangahi vafwelela Ikiye ali hano? Vangahi vanafwelela nge echi kupwa Katachikijilo? Vangahi vafwelela echi kupwa Lizu? [Chikungulwilo chaputukile kuwahlila—Muka.] Tala, vangahi vatachikiza nge ou Mukanda wa Hepelewu ambile ngwenyi, nge, “Eli Lizu lya Kalunga lyeji kutumbununa vishinganyeka vili mukachi ka muchima”? Vangahi vatachikiza echi? Vangahi vatachikiza nge ou ukiko mulonga Yesu nahase kutumbununa vishinganyeka mukachi ka muchima, mwomwo Ikiye apwilenga eli Lizu? Vangahi vafwelela ngachize? Vangahi vafwelela nge chumamuka hapwanga na tupolofweto? Kuli vakiko kukiko kwejilile

Lizu. Jino kachi Lizu kukinduluka kuli etu, kalyeshi kulinga Chochimweko? Kahajino Lizu nalisolola eli Lizu, kupwa lya kuhenga hali Lizu? Mamalelo, keke! Kalemesa!

<sup>189</sup> Hei, ou pwevo wakalemesa natwame hano, ikiye ali na chuma chimwe mukachi ka muchima wenyi, nawa. Ngunalumuka nakujinguluka na kuchikwachisa. Keshi ove Pwevo lya Grant ko? Kangwatachikijileko. Oloze ove yove Pwevo lya Grant, mwomwo Ngunamono ove nacho. Ove ukwechi kulizakamina cheji kukuyanjisa. Ove ukwechi, mwanove walunga akwechi chumachimwe chikwavo...manyinga eyi, nge, ali nakuhita. Ngunakukunyusa wafwelela ech! Amena. Ikiye napu Mukulwane wamaukalu. Ikiye napu Mukulwane ha kufwa.

Echa tulombe.

<sup>190</sup> Mwata Yesu, shimbu Kumeso Ove chili nakutuwavisa, hano muli yino zuvo, kaha etu tunapu vakutachikiza ou napu Shipilitu Wajila, Ngwalombo, Mwata, nge Ove muya nakuhindula kala muthu uze mwakavwala awa malesu.

<sup>191</sup> Lwola lumwe, etu vatunangula mu Mbimbiliya, nge vathu Jove, muzevene mumukana wa mulimo, vapwilenga nakuhita Kalungalwiji Uchila, kaha kalungalwiji mwapwile jila, mujila yavo yakuya kulimbo lya lushiko. Kalunga atalile mwishi kuhichila muli ize Panda ya mulangi wa Kakahya, na meso autenu, kaha kalungalwiji evwile woma, atambukile nakukinduluka hanyima, kaha Isalele ayile kulifuchi lya lushiko, hanovene mumukana wa mulimo.

<sup>192</sup> Ove Mwata Kalunga, echa meso Ove kutala kuhichila mu Manyinga a Yesu Kulishitu, kushikumuka muli aka Katachikijilo hano etu tunakwate awa malesu lelo. Kaha echa kalamuthu uze mwavwala, echa misongo yivwenga woma, echa tutambuke nakukinduluka kaha echa vathu Jove vazauke nakuya kulushiko lwa kulikangula chamwaza. “Kulomba chakulufwelela nachilwila uze naviji.” Mu Lijina lya Yesu Kulishitu, echa chipwenga ngocho. Amena.

<sup>193</sup> Vangahi vakakunangula vakakufwelela vamu Mesondisiti vali muno, vakakunangula vamu Mbaputishiti, vakakunangula vamu Pulishiteliyani, Mbaputishiti vakakunangula va Luteleni, mokomoko va Pendekosita? Vangahi muli enu vafwelela Echi kupwa Muchano? Twaya kuno na kwimana hamwe na yami shimbu etu tulombelele vakakuviza. Twaya kuno, enu vakakunangula vosena.

<sup>194</sup> Echi chili chakwoloka, keshi ngochoko? Ndumbu walunga Grant, echi chili chakwoloka? [Ndumbu walunga Grant kuhanjika, “Punduvene.”—Muka.] Huu-hu.

<sup>195</sup> Twaya kuno, ndumbu walunga. Ndumbu walunga Grant akwechi mulimo wa kulombelele vakakuviza. Chindume cha lunga, lunga wamwaza, muthu wa Kalunga uze ej

kwivwanga na kukumbulula malombo, Ndumbu walunga Grant. Ngunawahilila kuhaka mavoko ami hali ikiye lelo na kuhanjika ngachize, kaha ndumbbwami walunga. Jino ikiye ali nakuya hano nakulomba hamwe na yami.

<sup>196</sup> Omwo ove mwiza nakuhita muli uno mukana, pwako kaha nge muze ove wapwanga nakwiza kwishi ya kuzauka. Vandumbwami, tungenu mikana yivali hanovene, hanovene. Tungenu mikana yivali; umwe hano, ukwavo kuze.

<sup>197</sup> Ndumbu walunga Roy Borders, uli kulihii? Ndumbu walunga Roy Borders, Ngwashinganyeka ikiye apwanga hano. [Muthuumwe ngwenyi, “Ikiye mwaya nakupwa nakukinduluka.”—Muka.]

<sup>198</sup> Tala hano, hali vakakuzata, munahase! Tala kuze. Chize chikiko cheji kungulingisa yami kwivwa kanawa, vandumbwami. Vakakuzata va kulusu, muthu uze emanyine hano na kulisolola vavene hamwe na Mujimbu. Chumamuka nachisoloka?

<sup>199</sup> Jino, tala, kanda kuchihaka hali ava vakakuzata jino. Vakiko vatela kwiza nakulisolola vavene. Nge enu namuhita hano, kulisolo-...kwata Katachikijilo kumeso ove, “Mwata Yesu, Ngunetavila jishili jami. Mukukinduluka, Enu munanguhane yami lujimiko lwa Shipilitu Wajila. Ngunapu chuma chakulanda lyehi. Shili, misongo mokomoko chumachimwe kungukkwata kufuma hano. Nguli nakumbuka mwakusungama.” Kwata chize, mamalelo, shimbu kanda, na kuhita kuhita hano, kaha Kalunga mwaya nakukuhindula kaha ove muya nakulovoka nakuwahilila, kuwahilila, na kupwa kanawa. Enu mwafwelela echii? [Chikungulwilo ngwacho, “Amena.”—Muka.]

<sup>200</sup> Jino muthu wosena muno, echa etu tunongame mitwe yetu, vandumbwami, shimbu hamwe. Etu tunahono kutachikiza chumamuka nachiya nakusoloka. Etu katwatachikizako. Kuli kaha mulonga umwe hali muthu mukakuviza kuseza yino zuvo na musana uno. Kwata kaze Katachikijilo mumuchima wove, hita muno mumukana wakulombela, kuze vakakuzata muliuka, vaze vanalijilika kuyoya chavo ku—ku kutangisa, ali nakuya nakwimana hano, kunangika mavoko hali enu shimbu namuhita.

Enu ngwenu, “Mwomwoika wahonene kulinga chize, Ndumbu walunga Branham?”

<sup>201</sup> Ngwatondo ove, wosena, kutachikiza nge kaha... Kangweshi mukakukako. Ava malunga vali kaha nalisesa lya kulombela mukakuviza nge kala muthu nawa. Kuhanjika hatoma, Ngwafwelela Kalunga mwaya nakukumbulula kulomba chavo shimbu kanda Ikiye kukumbulula chami. Ngunazeye na kunyowa, kaha vyumavyosena. Ngwa—Ngwafwelela nge Ikiye mwaya kukumbulula malombo avo. Kaha hano vakiko

vanemana mukachi ka echi, kulisolola vavene, vakuzeneka sonyi kupwa muvihela vyavo. Ngwasakwilila vathu ngachize.

<sup>202</sup> Jino, vandumbwami, Ngunatachikiza kwivwa chenu. Yami, Nguli umwe nayenu. Yami umwe uze wakutunga lyoji na enu, kulovoka hano mu Texas, kweseka kukwata kalamuthu muli vakiko vaishi nge Kalunga wakutongola ku Kuyoya, kuzevene. Nguli nakulinga mwami mwosena. Nguli nayenu, wani handulendi peseti. Lwolalumwe Ngweji kutenuka nakutambakana ha kulinunga na vyuma. Chize kacheshi nakutwala Nguli wakufumbukila ove, ndumbwami walunga. Ngunatwale nge Ngunafumbukila zachiso nge mwaya nakuhandununa etu kufuma mukupwa vandumbu vamalunga, mwomwo ya kulifukula chimwe chakunangula. Etu tuli vandumbu vamalunga na lujimiko lwa Shipilitu Wajila. Etu tunemika Katachikijilo kokamwe. Etu tunatambula Manyinga amwe, shikaho echa kufwelela ngachize. Etu tunahase kuliwana Kuze (keshi ngochoko?), vandumbwami, muthuwosena kuli etu mwishi ya Manyinga.

<sup>203</sup> Jino, Vangutongwele kupwa muka Mbaputishiti. Pamo ove wapwa Mesondisiti, mokomoko Luteleni, mokomoko Pulishiteliyani, Pendekosita, Oneness, Twoness, Threeness, mokomoko kala chuma enu namupwa nacho, Liuka lya Kalunga, kalamwosena omwo. Chize kacheshi na chihandwako. Etu katweshi na kuliwwasana ha vyuma vyavindende, echa tuvwulyame hali echi.

<sup>204</sup> Chumachimwe etu tunahase kwitavila hali echi, nge Yesu Kulishitu Mulwilo wetu awfile ha jishili jetu, kusanguka cheka na kuhana etu Katachikijilo. Etu kwimana hano na malombo etu, kukwata hali ava vandumbu wamalunga vakakuviza na vandumbu vamapwevo kuhita mumukana. Nanguya na kufwelela echi namuchima wami wosena.

<sup>205</sup> Ngwamwene chumachimwe kusoloka hazevene jino. Amen. Ngunatachikiza enu Kungushinganyeka kupwa wauzaluka, oloze Nguli nakwiza kuwaha chikuma. Ngunafwelela Ngunahase kutwama muli eyi jila. Eyo, mwane. Nguli kaha nakwivwa kuwaha muli eyi jila.

### Echa tulombe.

<sup>206</sup> Mwata Yesu, Ngulinakutambuka kukamenga, kuno, kulisolola amilyavene na ava vandumbu vamalunga. Ngulisolola amilyavene na vakiko, nge etu vosena vanatukwachilila ku Katachikijilo mumavoko etu, kaha mukachi ka michima yetu. Nge omu etu natwino kwononoka Chove, "kuhaka mavoko hali vakakuviza, kaha vakiko navakaya nakuyoya." Echa kalamuthu kuhita hano, kuneha Katachikijilo, nge vakiko vanatambula Shipilitu Wajila, nge vakiko vali vakusemuka chachihya na mwana Kalunga, mangana vakiko vafwelela echi na muchima wavo. Kaha nge vakiko kuhita, echa vakiko kwangula misongo

kana maukalu kumijimba yavo. Kaha echa vakiko vayenga kuno nakuwahilila, kutachikiza nge lufwelelo lwavo lunavalingisa kupwa valambwe.

<sup>207</sup> Kaha, Yehova Kalunga, nge etu tunanangik, Tesitamende Yamwaka, mavoko etu hali mulambu, kulisolola etu vavene na mulambu, etu kuhaka mavoko hali Yesu na kulijimbula etu vavene na Ikiye. Ikiye amusavalikile mavoko Enyi hali etu jino mumulimo, kulisolola Lyavene na etu, ha vinjikizo na vikomwesa. Kunangika mavoko hali vakakuviza, kulisolola etu vavene na vakiko, na lufwelelo kulinunga na vakiko. Misongo yatela kuya, na echa echi chilingike mu Lijina lyu Yesu Kulishhitu, nge etu kutambuka nakushikumuka hano kutambula echi.

Echa chikungulwilo chosena chilombe.

<sup>208</sup> Roy mokomoko muthumwe kwiza hano na kwimana ku chihungo chakuhanjikila, na kulama mikana mwakusungama.

<sup>209</sup> Tala, nge omu kuhichilahano jino, kwiza nakufwelela, kwiza nakulomba. Etu tuli kaha nakuya nakunangika mavoko hali vakakuviza. Twaya kuno nakuhita. Kulomba. Omwo enu namuhita mumukana wa vakakuzata muliuka, kachi enu muli nakutambuka hamikombo, hali vakiko nakushikumuka na kutambuka nakuya. Kachi ove wapwanga na kansa, misongo, kuhanjika, “Uze ndotolo nalingi vyosena ikiye nahase kulinga, ikiye nalingi vyosena ikiye ahashile, kaha ikiye ngwenyi Nanguya nakufwa. Kangweshi kuya na kufwako. Hano hakiko hali Katachikijilo, Mwata. Ove unangushiki mywaka yitatu na teni. Nguli nakuya nakuhita hano, kulinga echi.” Talenu, linga ngocho. Munahase kuchilinga echi? [Chikungulwilo ngwacho, “Amena.”—Muka.] Mu Lijina lyu Yesu, echa chipwenga ngocho. Amen.

<sup>210</sup> Chosena chakwoloka, echa mumukana kuhichila. [Ndumbu walunga Branham na vakakuzata veji kulombelela vakakuviza, nge omu ndumbu walunga mwatwaminyina chikungulwilo mu kwimba *Fwelela Kaha* myaso ikwavo. Hatepu hapimbi—Muka.]

Ngwafwelela!

Kukakasana chosena chami chosena  
vachifunda mu Kaselwoke.

<sup>211</sup> Enu mwafwelela echi? [Chikungulwilo ngwacho, “Amena.”—Muka.] Amen. Mamalelo, kumana Ikiye keshi wamwazako? [“Amena.”] Vamwe muli vakiko apwile haze hamihela na mikombo, kupwa nakwoloka na kutambuka; kuvaseza vakiko vanasavala kuze, kaha vatambukile nakuya. Mamalelo, echi chili vosena kupwa vakuhinduka jino, nge navafwelela. Ove wafwelela? [“Amena.”]

<sup>212</sup> Echa uthuhane mwakwimbila, *Ngwamuzanga Ikiye*, maya, ndumbu wapwevo; mwaso wamwaka, “Ngwamuzanga Ikiye, Ngwamuzanga Ikiye mwomwo . . .”? Echa etu vosena

tukatule mazu etu, namavoko etu, michima yetu, kuli Kalunga, nakwimba, “Ngwamuzanga Ikiye, Ngwamuzanga Ikiye, mwomwo Ikiye chatete anguzangile yami.” Muthu wosena jino.

Ngwamuzanga Ikiye, Ngwamuzanga Ikiye  
Mwomwo Ikiye avangilile kunguzanga  
Kaha alanjile ulwilo wami  
Ha Kava-...

<sup>213</sup> Pwevo wakalemesa, muze muchitwamo chakalikoki, kutambuka nakuzauka hano na kukafwa malunga vavalı. “Nguli...” Echa etu tulinge mavoko etu kuli Kalunga, “Ngwamuzanga Ikiye!”

Ngwamuzanga Ikiye  
Mwomwo Ikiye avangilile kunguzanga  
Kaha alanjile ulwilo wami  
Ha Kavali...

Echa kaha kwalisa Ikiye jino, kalamuthu!

<sup>214</sup> Upahu kuli Kalunga! Omwo etu twasakwilila Ove, Mwata Yesu, kuwaha cha kuwaha Chove, Kupwa Chove. Mamalelo, etu twakusakwilila Ove ha Katachikijilo, Mwata. Etu vanatalwili na kuzaliwa na Shipilitu, Shipilitu Wajila kuzamikisa mijimba yetu jino. Omwo etu twasakwilila Ove hali echi, Tata! Mamalelo, mu Lijina lyu Yesu etu twakusakwilila Ove. Amena. Amena.

<sup>215</sup> Kalamuthu liminekenu mumavoko, nakuhanjika, “Kwalisa kuli Mwata!” Limenekenu mumavoko umwe namukwavo, nakuhanjika, “Mwata va Mwalise! Mwata va Mwalise!” (...?...) Chosena chakwoloka, jino, vosena hamwe:

Ngwamuzanga Ikiye,  
Mavoko helu, michima helu.  
Ngwa...

Kusolola kaha echi kufuma mumuchima wove.

Mwomwo Ikiye chatete anguzangile yami (Ove  
muya nakutumwanga?)  
Kaha alanjile ulwilo wami  
Ha mutondo wa Kavali.

<sup>216</sup> Jino echa etu tunongame mitwe yetu na kalemesa, omu Nanguhana kutangisa jino kuli Ndumbu walunga Grant nakutumwanga; kusakwilila enu vosena. Chatete, kusakwilila Mwata ha kuwaha Chenyi, keke Yenyi, kaha kukunyuka nge Ngwafwelela nge etu twaseze mumuchima wove, nge katweshi hano ukawetuko. Mwangana Wetu wamunene Kapitawu ali mukachi ketu. Chize kutambakana cha Mwanga chili muchilombo. Kaha etu twasakwilila Mwata, kumona ngolo Jenyi jajinene na keke Yenyi yayinene. Kaha jino echa etu tunongame mitwe yetu mukalemesa. Ndumbu walunga Grant.



*KATACHIKIJILO* LVE64-0308  
(The Token)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na musana, Kuwana 8, 1964, ku Soul's Harbor Temple mu Dallas, Texas, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)